





麗

汧東樂府序



世恒言詩情不似曲情多非也古曲與詩同  
自樂府作詩與曲始岐而二矣其實詩之變  
也宋元以來益變益異遂有南詞北曲之分  
然南詞主激越其變也為流飲北曲主慷慨  
其變也為朴實惟朴實故聲有矩度而難借  
惟流麗故唱得宛轉而易調此二者詞曲之  
定分也予自謝事山居客有過予者輒以酒

汧序



殺聲伎隨之。往往因其聲以稽其譜。求能稍  
合作始之意。益甚。蓋沿襲之久。調以傳訛。而  
其辭又多出于樂工市人之手。音節既乖。假  
借斯謬。茲予有深惜焉。由是興之所及。亦輒  
有作。歲月既久。簡帙遂繁。乃命僮子錄之。以  
存篋笥。題曰汴東樂府。復稍述二家為調之  
本。於此知音之士。寧無感乎。

正德八年歲在癸酉冬十二月朔日汴東漁父首序

汴東樂府卷之一

正宮 二曲

醉太平 十四首

南齋漫興八首

且隨時嘯歌。休信口開闔。光陰卽漸

已無多。好逍遙快活。白雲洞裏陳搏臥。紅梅

影底林逋坐。碧紗窗外小蠻過。不風流怎麼。

○翠幄幄柳條香馥馥。花稍自歌自舞。賞良

宵。喜孜孜到曉。蝸名蠅利何須道。蜂屯蟻聚



由他鬧。龍爭虎鬪。怎生教不賺科便了。○結  
 茅堂對山。坐水閣觀瀾。紅塵不到這其間。甚  
 風流似倦。蕭蕭白髮。金鍾滿。依依綺座香風  
 散。盈盈綠蟻。玉杯寒。趁光陰未晚。○喚雙娥  
 唱者。邀北海頑些。鏡中白髮漸未剪。幾多時  
 歲月。秦宮漢闕。黃塵接文謨。武烈金蛇掣。燕  
 臺梁苑。暝雲遮。不受用是呆。○托乾坤至仁。  
 沐雨露深恩。滿庭蘭玉。盡兒孫。似稽山謝門。

無非無事。心頭順。無榮無辱。情腸俊。無拘無  
 繫。意思新。賽義皇。上人。○列笙歌綺筵。出翡  
 翠華軒。一觴一詠。總堪憐。况鶯聲柳邊。粉膏  
 繡臆芙蓉面。明眸皓齒。桃花扇。嬌雲嫩水艷  
 陽天。甚王維輞川。○坐朱簾小軒。歌白雪朱  
 絃。呼兒展紙。寫詩篇。媿才疎思淺。吟風弄月  
 佳無限。行眠立。眈情非倦。看山玩水。興悠然。  
 這清閑似仙。○江湖間。養拙風月裡。隨邪從



他落魄與驕奢。一樁上記者。明窗淨几讀書舍。輕歌妙舞看花榭。丹崖翠壁避塵穴。甚波吒敢惹。○楊信夫宅宴集勸金杯玉卮。有翠袖蛾眉。葫蘆提醉了。是便宜。假醒上怎的。武陵源乾罷了漁夫棹。輞川莊寂寞了尚書砌。磻谿岸迷漫了伯牙磯。請先生再思。○看杯盤整正齋。是慶喜筵席。六千三萬甚東西。醒時節再喫。香風馥馥羅珍味。庭闈靄靄團雲氣。金蕤苒

苒燦花枝。喜團圓到底。○

許西

許多時困苦。

那里討歡娛。匆匆節序又春餘。恰歸來此廬。

雛鶯遠遠啼深樹。修篁變變遮茅屋。重門款

款歇肩輿。請漁翁坐語。○看千章夏木。映萬

里平蕪。南城一望綠模糊。似王維畫圖。有山

有水無拘束。宜歌宜舞無憂慮。不豐不儉好

規模。請先生自覩。○翠嵬嵬碧山。綠渺渺柔

瀾。半生唯有這其間。儘持杯換盞。遊絲萬縷



垂楊岸。香風十里桃花澗。輕箬一笛晚雲灣。  
這逍遙是罕。○醉時節放歌醒已後評跋百  
年身世漸無多。且隨時過活。澆花種竹閑功  
課。烹雞漉酒權安樂。鋪眉扇眼強開闔。甚名  
韉利鎖。

塞鴻秋 三首

漫興木強人怎寄。絲綸任楚狂。徒易犯森嚴禁。  
快直心難撒。掩嚙嚙。咯着實行豈管峽崎。議貴

賤百年身。榮辱須臾恁。不伏波有甚明珠譖。

○元夜風光喜。值嘉平世。踈庸自愛漁樵計。今

宵不減蘭亭記。多君况乃青雲器。樂奏鳳凰  
歌。燈轉芙蓉戲。別團圓明月懸天際。○家行  
藏數尺黃花徑。生涯幾樹甜仁杏。勳庸一首  
滄浪詠。風流半曲天仙令。豐歉總由天。苦樂  
誰非命。蠅頭微利何須掙。

雙調



沉醉東風 十首

懷書三萬日。時間過了。十八班不必提着抖擻。  
起泛海心。撇罷了平蠻。綠陰中瓦盎村醪。  
倦倚青岑一曲簫。也做箇山翁醉倒。粹夫封事  
五百載天生尚父。二十年人笑風胡。把經綸  
宇宙心。草幹轉乾坤。疏向丹墀。剴切宣敷。聖  
主春回萬物蘇。怕甚麼淮西未撫。答國史  
院咱曾視艸。姦和正不必題着。文書上恁樣

膾膾

來。條款裏。佞般造。畫葫蘆。難減分毫。但把丹  
心自繫牢。管甚麼零煎細炒。寄北茅屋底  
微吟既可瓦盆邊。沉醉如何太平時。閑散人。  
疾溜中。掩膾膾。是和非。逝水驚波。布襖芒鞋。  
且過活。倩萬縷山雲伴我。對酒望翠巘頻  
移坐榻。愛微風半幘巾紗。呼僮將綠蟻。斟做  
伴。把白雲逐。小槽空不用啗譁。但典春衣向  
酒家。這便是劉生大雅。秋日秋水共長天  
卽事六



一色澹雲和衰草齊回。闌刪了白苧思。歡賞  
盡黃花態。歎人生易似浮埃。昨日青春不再  
來。却怎的胡歪數載。○斗酒釀無勞再買。一  
花穠不必重開聽。遙岑過雁聲。起少日浮名  
恠。問王喬此際何哉。三疊秋風萬古哀。那里  
也乘桴泛海。○送折柳郵亭獨嶼傷心雁影  
長途千金合浦珠。萬戶麟臺祿。怎耐的風雨  
郊墟。若到長安早寄書。者莫惹青樓伴侶。○

有所思。今夜淒涼有幾。閑時笑語和誰。分明座  
裏親。陡殺行間背。望天涯有信難回。月冷菰  
蒲曙鳥飛。兀自把闌干悶倚。○效自君掃萬  
里龍沙未返。怨深閨蛾尾空彎。泣相思柳未  
勻。待好會梅俱綻。隔菟臺水水山山。也要尋  
君到玉關。路比天涯近遠。

水仙子 十首

冬日 凍雲催雪起山腰。衰艸迎風舞兔毫。茅  
作 一



簷醉舞山妻笑。這光陰容易老。歎黃公空損  
清標。絕謝了蒲輪駕。結識上瓠子瓢。何限道  
遙。○山居一溪流水一重山。萬縷雲煙萬頃灘。  
四時花柳佳無限。許東君隨意揀。小蒲團不  
勾三間。石鼎黃雞饌。青籬紫芋欄。又何須盡  
戟朱轡。○小橋西岸野人家。十里垂楊數畝  
瓜。春來惝出王維畫。那般兒不俊殺。燦踈籬  
幾點桃花。門對青山下。園圍綠水涯。窻屯翠

竹丹霞。

○

九日宴集

謝家昆弟總能詩。九日同來

引玉卮。風流足滿千年事。又何論去路時。洒

珠璣多少新詞。一字字形容着胸次。一行行

包藏着意思。一篇篇摹寫着根枝。○百年三

萬六千番屈指。年來半已刪。功名到底俱虛

幻。歎光陰容易晚。好將息努。加餐榮辱人間

有。清風振古難。好追隨綠水青山。○

懷舊時友

知己幾人存。此日影零獨此身。西風又報黃



花信越思量越愴神見如今玉碎花分奏賦  
 長楊殿吟詩五柳村怎生能尊酒論文○得再  
直卿書作秋風又遞故人書讀了重增萬嘆吁平  
 生氣魄人人懼論文章我怎如窟蠻夷誰訴  
 公車滇水相思處空堂獨坐餘泪雨如珠○  
懷漢坡子與君真是死生交義氣才情世怎學南  
 山結屋無人到那風流依舊好載珠說空自  
 曉曉李杜詩篇篇妙鍾王書字字高無福難

消○酒酌論踈狂端的是我踈狂論智量還誰  
 如我智量細尋思往事皆虛誑嶽岌兒落後  
 我醉春風五柳庄漢日英雄唐時豪傑問他  
 每今在何方好的歹的一箇箇盡攬入漁歌  
 樵唱强的弱的亂紛紛都埋在西郊北邙歌  
 的舞的受用者休負了水色山光○中碧空  
 如洗晚雲消素魄當秋桂景遙瑤塔沸耳笙  
 歌鬧喜今宵人更好且休題氣爽天高擁繡  
洪一



榻人如玉。映雕梁舞正嬌。坐銀床醉影醺醺。

折桂令 十九首

賞壯喜重逢舜日堯年。民物熙熙。瑞應翩翩。園苑花開。烟霞客至。絃管聲嬌。瑪瑙寒金波放淺。胭脂濕朱露猶懸。花朵娟娟。人語諠諠。花壓闌干。人醉亭軒。○歎流年易似奔濤。殢酒看花。擊鼓鳴璫。休說秦宮。莫嗟漢闕。且對吳猱。酒醉時。勦勦睡倒。花開也。日日來着。且

盡今宵。慢道明朝。誰是英雄。誰是漁樵。○問

先生載酒何之。饁稼春天。醉酒花時。春色清

和。酒波潑艷。花影參差。數不盡姚黃魏紫。聽

不了燕子鶯兒。醉撚吟髭。笑折花枝。醉舞婆

娑。笑語逶迤。○得安閑便是神仙。數頃黃雲。

一塌青氈。酒釀花穠。相逢不飲。老去空憐。白

雪歌秦姬和阮。彩雲飛趙女。留鈿花似堆胭。

酒似流泉。才了今年。又有明年。○落花恨東風



落盡紅蕖。賞未移時。早又如斯。可嘆人生。謾  
看花朵。笑撚吟髭。歲月長行。如快駛。酒杯濃  
暫息。閑思。歌有新詞。舞有嬌姿。趁此良辰。受  
用便宜。○四月八日雷雨小庭閒。何處風雷。驀地推  
來。剗地翻回。想天公願與人違。麥已抽。何勞  
水德。夏才初。顧逞颺威。意緒摧頽。物理虛恢。  
斷送了。萬頃黃雲。甚支吾。萬盞新醅。○事歎  
流光易去。難來。昨日春歸。今日花開。氣序侵

榴

凌韶華荏苒。節物經該。楊柳岸春風不改。牡  
丹亭夜月何哉。都事傷懷。感舊憐才。一曲秦  
箏。萬盞吳醅。○坐名園。日日開尊。萬朵天桃  
一抹紅雲。又何須沽酒前村。吟詩別院。問柳  
閒門。食累兒花邊放穩。玉人兒扇底歌新。這  
个乾坤。恁樣心神。愛煞劉伶。笑殺田文。○雨苦  
坐南軒。細雨如篩。倦引瑤觥。怎步蒼苔。看了  
他實不。不去了。重來。雲黯淡。青山失色。霧冥



蒙好興先裁。意緒難捱。詩酒空開。萬里泥途。  
三徑何哉。○許西別業 偶然作喜新來萬事無干。屋  
逸蒼波。戶面青山。未識朝昏。安知榮辱。豈論  
炎寒。有酒呵山。甌細釶。無殺時園。韭隨扳。不  
問尊翻。不計更闌。籍削麒麟。夢覺邯鄲。○結  
茅廬正對山尖。煙透雲圍。翠擁紅粘。野叟山  
翁。雛雞濁酒。木几毛禱。舞鶴鳩桑榆未晚。笑  
煙波組紱空淹。款乃聲厭。蘆荻風恬。細倒青

尊。謾對明蟾。○自歸來無惱無嫌半幅煙簑。  
滿架牙籤。白社詩清。蒼波鱸美。綠野尊甜。愛  
睡起柴門尚掩。喜行遊官籍難鉗。早也霑霑。  
晚也霑霑。受用足赤脚蓬頭。將息个皓首蒼  
髯。○憶蓬萊奏賦前年不揣庸愚豈係迢遠  
髻首窮經。丹心奉日。白壁成慙。語句狂合。遭  
罪譴。性情真索免。擠掀行止。雖天暗想。終冤  
本是个借劍君游。浪做了依仗宗元。○田正



春風布谷聲喧。雪霽東臯。潤足西田。穉子鞭  
 牛。老妻牽索。犁斷寒烟。福分小。蔓菁飯軟。意  
 思甜。盃水心便。豐稔隨天。勤苦當先。禾黍秋  
 郊。金玉華軒。○青喜東風。又送春來。翠滿蒼  
 山。青滿平臺。嫩柳抽金。鳴泉噴玉。子笋分釵。  
 霞彩明。千峯弄色。雨雲消。一帶如楷。不動風  
 霾。不見塵埃。佳景無邊。好酒當開。○午醉  
 酥。午夢初回。獨坐空堂。幾許清陪。汲水烹茶。

呼兒課字。謝客停盃。書景長光中。玉匙篆烟

微香裊朱幃。舊草重批。往事閑追。意暢情怡

利寢名灰。○小許西集小桃開。園苑間遊。笑覩妖

紅滿。引金甌。花落花開。人生人老。恰便似雲

去雲留。則不如喚雙娥。舞翠袖。時來勸酒。遮

莫且招逸客。泛蘭舟。興到狂謳。交錯觥籌。可脫

謝憂愁。夢境嬉嬉。心緒悠悠。○庚辰夏曉起

笑新來。兩鬢生花。載酒看山。樂趣無涯。逐日



價稚子牽衣。小姬押酒。老嫗烹茶。有的是雪  
案間慣相陪的。壺觴尊尊。又無甚仕途中歪  
厮攘的。恐懼波查。這樣歡洽。到底堪誇。黑也  
由他。白也由他。○時感嘆流光易去難來。衣紫  
腰金。於我何哉。有酒須斟。有花須賞。有冗須  
裁。者莫你究天人。公車獻策。盡都是串皮膚  
左道胡歪。寄與英才。不索疑猜。好相陪濁酒  
黃雞。道甚的。閨苑蓬萊。

鴈兒落

帶過

得勝令

八首

自適喚青衣款款歌。扣瓦盞齊齊和。笑彭澤不  
會狂。羨舟里真能那。不是我自張羅。歲月有  
幾來多。三萬日都教醉。見而今老半科。隨和  
淡酒兒權相賀。如何悶坑兒莫躡着。○也何  
須弔五陵。也不要推三命。窮通枉自勞。榮辱  
皆前定。誰醉又誰醒。世事總難明。工拙千年  
笑。輸贏一轉枰。多情此曲真堪聽。冥冥前程



信步行。○夫懷敬二十年老將壇。幾百載興亡  
嘆。途窮笑阮郎。避盜悲王粲。名利故來難長  
缺。豈須彈一曲梁州序。千秋紫閣山金丹。半  
碗胡麻飯。雕鞍何時載汝還。○思春風桃李  
園。夜月秋千院。鳴絲合鳳笙。舞袖籠金釧。綠  
酒轉瓊筵。翠柳拂華軒。人醉青樓側。春殷錦  
帳前。情牽勝賞處。追遊遍。醺然常輸世。貫酒  
錢。○軟絲絲楊柳風。深杳杳桃花洞。影氤氳

冷

寶鴨香。聲泠泠瑤琴弄。光閃閃葢珠宮。青  
秦篆萬年松。嬌滴滴芙蓉面。矜可可錦繡叢。勿  
勿。記不得臨歧送。重重望雲山。一夢中。○宴集

危樓亘綵霄。畫棟開雲幕。瓊漿玉笋傳。絳蠟  
金荷照。歌舞稱良宵。花萼間金貂。霧障籠仙  
佩。銀箏叶鳳蕭。閑度。遇景當行樂。休教光陰  
虛度了。○飲中閒詠典春衣向酒家。道處士新乘  
暇。喚雙娥淺淺斟。肯數盞輕輕罷。我本是會



受用的老賢達。往嘗時甘趁。關岢浪波查。今日个好景佳無限。明日个今朝再有麼歌咱。快與我把銀箏架。從他笑先生舊病兒發。○數年前也放狂。這幾日全無况。閑中件件思。暗裏般般量。真箇是不精不細醜行藏。恠不得沒頭沒腦受災殃。從今後花底朝朝醉。人間事事忘。剛方。後落了膺和滂。荒唐周全了。籍與康。

靜志居詩話  
引此僅有下半  
曲知竹垞曾見此  
劉氏

### 殿前歡

贈友布衣交。二十年風雨舊漁樵。黃雞濁酒蘆  
蓆幕興遠心豪。家貧賣寶刀。事去辭彤詔。日  
晚收綸釣。重來故壘再醉新醪。

### 落梅風

二十四首

元夜春雲澹。月色昏。坐空齋雪餘風潤。若嫦娥  
肯饒春幾分。向朱簾且收寒暈。○尊中酒。物  
外身。是和非向咱休論。三五月華埋凍雲。况



區區幾莖衰鬢。○人情諳。世態知。是非場。怎  
誇精細。往古豪華。誰記的。都不如倚闌沉醉。  
○桑榆境。遲莫年。金谷園。到今誰見。青娥勸  
杯休放淺。好消磨。這回歌扇。○二月晦日春  
同張舜卿  
雲暝。夜靄霏。燦銀燈。管絃如沸。香醪滿斟。人  
醉矣。任花前幕天席地。○年雖邁。興未闌。喚  
青娥。淺杯輕泛。倩東風。且休將花片殘。怕春  
歸。又生悲歎。○鬚眉改。情性存。對青尊。便生

風韻。眼根前。笑談都是春。有閑愁。怎能親近。  
○端端舞。小小歌。照腔兒。暗中填和。舊知音  
幸逢着君共我。不風流。好時乾錯。○北山宅  
夜宴

今宵宴。勝去年。寶漿濃。玉盃香。澣笙歌。可人  
明月圓。透朱闌。翠鈿金串。○花前飲。柳外歌。  
放陽春。彩雲飛過。風光這回。誰似我。醉凭着  
玉肩歸臥。○懨懨醉。款款吟。愛中庭。月明花  
蔭。酒盃到君。須痛飲。半生過。苦忙因甚。○新



來看鏡裏容。更添些脚高頭重。便贏得位三公。祿萬鍾。不風流。要他何用。○花見杏作香風細素蕊團。小園中。粉嬌胭暗。想東風。要拚人好看。玉蝴蝶。滿天撩亂。○世田園富。門第高。好沒生。把人邏。噪木團衫。後稍兒。直掛了腦。這才是賞功勞。錦衣花帽。○秋雨微微灑。漸漸狂。助秋山。萬溪波漲。兩三日。米薪俱見妨。知他那別離人。甚娘情況。○有感蒹葭水。楊柳風。想

人生好如秋夢。草離離。遍遮秦漢宮。利和名算來何用。○張良智范蠡謀。都不如賈生詞。

賦響當當美。傳千萬古。有姦諛。怎生厮妬。○

宴集天光永。淑氣催。對青尊。怎生不醉。按梁州。

舞低人未回。畫闌邊。鳥聲如碎。○四時行樂詞燒

銀燭。泛紫霞。沉醉在海棠亭下。想人生好如

亭下花。怎支吾。雨狂風乍。○槐陰轉枕簟涼。

夢初回。午風亭上。荷芰風過。滿座香。厮湊出



許多清况。○黃雞嫩紫。蠟肥可人的。暮秋天  
 氣濁。酒數卮人醉矣。怕黃花帶將秋去。○尖  
 風至。玉雪飛。裊金爐。紫檀香細。下朱簾。酒酣  
 人似泥。問何如。灞橋驢背。○酌自清秋景。白玉  
 樓。雁聲還。暑回涼。又嬌滴滴。玉人兒來勸酒。  
 共圓成。好風晴畫。○生前恨。目底愁。告先生  
 且都收後。清冷冷。一尊兒。桑落酒。受用些水  
 明山秀。

清江引

四十四首

四時次龍渠韻十六首

何處月明吹鳳管。飄渺春雲散。

韋娘金縷衣。仙侶雕胡飯。舊日風流心較懶。

○花柳滿天春自管。院宇香風散。閒呼小小

歌。悶對鶯鶯飯。醉臥蒼苔人喚懶。○飛盡紅

英春不管。花底鶯聲散。遊絲亂點衣。舞絮輕

沾飯。柳外小車人去懶。○醉倚斜陽閑照管。

柳驪鵝黃散。纖歌動晚筵。細茗催昏飯。深院



月來人睡懶。○小閣納涼紈扇管。雨灑荷珠散。敲冰飲蔗漿。切藕抄雲飯。簾捲薰風詩興懶。○槐影參差風繫管。酷暑欣微散。香蒲泛玉盃。角黍團珍飯。坐對湖山眠去懶。○水殿虛簾明月管。寶瑟歌聲散。銀盤瑪瑙漿。玉碗青精飯。柳外綵舟歸棹懶。○檻外葵榴新恨管。枕簟涼雲散。徘徊笑倚闌。迤邐愁拈飯。午夢不成吟思懶。○雨過涼生荷墜管。滿座清

風散。閒聽鶯轉林。笑覩魚吞飯。縱飲篔簹開卷懶。○月底轆轤樓外管。吹的炎蒸散。開簾納晚涼。洗盞麾餘飯。小簟雲屏清夢懶。○三徑黃花吾主管。瀟灑天香散。把酒對龍山。倚杖看蜂飯。笑倚東籬歸興懶。○載酒登高橫玉管。一派簫韶散。閒思落帽文。謾掩蒸沙飯。誰解參軍心數懶。○萬頃霜華摧弱管。極目彤雲散。雪煮竹爐茶。雲炊雕盤飯。座擁貂裘



乘興懶。○橋外六花驢背管。肯使吟情散。奚  
奴曉問梅。逆旅昏炊飯。笑撚吟髭歸去懶。○  
簷外酒旗風力管。滿地瓊花散。都拚党進杯。  
誰顧袁安飯。高臥南窗非是懶。○樓上落梅  
吹成管。人自瑤池散。閒凭翡翠鬟。厭吃羊羔  
飯。暖對獸爐臨眺懶。○又次六首自去自來誰顧  
管。笑覩蜂衙散。千金越女歌。一炊吳粳飯。醉  
臥東山歸去懶。○半世交遊漸鮑管。眼底皆

星散。歌殘隴上吟。笑殺桑門飯。冉里先生非  
是懶。○身外閑愁都不管。蟻陣由他散。常尋  
小快活。怕惹閑茶飯。夢覺南柯心更懶。○事  
到頭來誰照管。好把豪華散。數椽安樂窩。一  
飽家常飯。百尺竿頭心力懶。○世事紛紛休  
去管。生死雲屯散。昨宵燕市歌。今日鴻門飯。  
恠底嚴陵垂釣懶。○錦里先生斑竹管。一掃  
烟雲散。堪抄梁甫吟。怕領天厨飯。起草明光



萬萬懶。○六首閨情萬種春愁情繫管。好夢烏啼散。三春郎未來。鎮日誰曾飯。悶倚粧樓梳掠懶。○一寸芳心春盡管。生怕花飛散。因追往日歡。減却新來飯。春自繁華君自懶。○兩葉眉兒離恨管。柰可難排散。金甌茉莉茶碧椀。茶糜飯對案。不食非是懶。○柳外佳人樓上管。過舞香風散。瓜切水晶盤。筋冷雲英飯。深夜不歸非醉懶。○舊日風流君自管。人去風

流散。臨粧羞掩奩。閣筋慵拈飯。盡日綠窻針線懶。○便坐危闌橫鳳管。怎把閑愁散。難回徹骨思。怕燕連針飯。口要罵郎心又懶。○宴集恠殺隣家雞唱早。肯負知音妙。吟間玉醖催簾外瓊花開。把一個老先生沉醉了。○月底篝燈歸未早。丰韻般般妙。傳杯笑語喧。破舞笙歌鬧。越趨的東方明透了。○元此夜月明雲蔽了。且遣笙歌鬧。雕盤篆影遲。綺座燈光



照開簾。謾歌直到曉。○世爵堂前香霧繞。共  
喜天親到。殷勤三兩杯。迤邐千般妙。人世風  
流如此少。○花燈滿庭光照眼。莫恨歸來晚。  
常將慷慨心。永謝蹉跎宦。一日須傾三萬錢。  
○穉子堦前爭戲火。老我當堦座。婆婆看舞  
榼。悠雅聽傳樂。盛日風光真个闊。○酒酣許  
西主人非是懶。世事都經慣。十年紫鳳城。一  
夢黃梁飯。快抽頭閉門還是晚。○許西主人

醒

非是慵。世事如春夢。千金燕子樓。百尺華清  
棟。那里也都着狐兔。○許西主人新夢醒。  
試語黃花聽。前年虎背遊。今日泉頭詠。何處  
費心何處省。○許西主人非懵懂。富貴知無  
用。淮陰汗馬功。磐谷泉石詠。問你个那蝸兒  
沒懼悚。○簡良  
許西主人親煮茗。爲請湯陰  
令。三秋春已過。莫負黃花興。許西好來同眺  
騁。○連朝草堂人過少。寄語山翁道。風寒白



藕花露冷青蘿幕。撚指光陰都過了。○九今年又逢九月九。細把黃花嗅。黃花歲歲開人老。何曾幼少。日風流。今在否。○流年算來三十七。折盡英雄氣。難收張禹頭。未就朱雲義。死林侵醉模糊。因甚的。○田園漫興山林間笑談誰是侶。釣叟并樵父。羞稱漢與秦。肯論榮和辱。興來時自歌。還自舞。○歲序推移。人易老。夢覺邯鄲道。花枝照眼紅。酒伴隨心約。何事

憂煎何事惱。

中呂

朝天子四首

遣興結廬挂車。尋个安身處。園中花果沼中魚。足滿山林趣。或酒或茶。無憂無慮。悶了吟詩句。叱迂愛筭。不着已隨他去。○杖藜步畦。不作功名計。青山綠水。遠柴扉。日與兒曹戲。問柳尋花。談天說地。無一事縈胸臆。醜妻布衣。



自有天然味。○舊年浪纏。嶽自把時光騙。文章雖是中青錢。何似窮居善。薄利虛名。驚雷掣電。三千迴。怎到晚。賴天幸。原不受用空愚訕。○二毛漸饒。始省歸來妙。功名富貴豈吾薄。多少曉岐道。抱蔓拖枝。連真帶艸。後落了全凶暴。要着笑着也。效箇蘇門嘯。

滿庭芳

十二首

自適金波玉斗。旣無拘係。不飲何求。天長晝永

佳時候。日暖風柔。舞鷓鴣。寧嫌老醜。詠滄浪。自覺風流。君知否。前程路陡。休去覓封侯。○遣興栽花種柳。生涯如此。勞碌何羞。數年前曾待金門漏。膽顫心愁。時運乖。難消世口。路岐多偏惹。閑尤。性格兒原紕。謬得休且休。怎負五湖遊。○華名山自好。三峯俱俊。四望都高。分明雲氣涵靈灑。瀑響簫韶。玉女池光。搖天表。仙人掌翠。捧丹霄。小可的如何到。十洲三



島望似酒盃饒。○望晴天空霧掃。風恬雨散。水漲波潮。園林一帶青如掉。山色周遭點玉池。新荷乍小。照丹霄晴日初高。兩件兒休支調。雞肥酒好。宜醉許西郊。○賞花紅深翠淺。荼蘼着葉。楊柳含烟。山光綽約如凝靛。堪賞堪憐。貫酒去前村未遠。抱琴來斜日猶懸。徐徐勸吟詩和選。人侶盡中仙。○行役千山萬水。飢食渴飲。力倦心悲。陰晴險阻誰拘忌。棄子拋妻。

睡正酣隣雞喚起。步難移前路催擠。二字名和利。傷今念昔。恨殺子規啼。○贈人冰清玉潔。

人間志士。眼底英傑。能文能武。能風月。不比其別在陋巷。簞瓢樂也。傲王侯。列鼎誰邪。相逢夜。胸襟試寫。經史幾千車。○勸友規模要廣。可因容易。看做尋常。歲歲小小休輕放。自有高強。雲雨情終非玩賞。觀瞻係難恣踈狂。曾思想。南來北往。恐阻後途長。○汴東自飲作君門



謝寵幽林卜築。茅舍潛蹤。牙章紫綬難陪奉。  
質本疎庸。界道泉金噴玉。涌當門岫翠。裊烟  
濃。好鳥風前弄。看山杖筇。人在畫圖中。○西  
溪問圃。南山漫興。北海携壺。無榮無辱。閑人  
物。趣遠心疎。旋打魚呼僮。旋煮行成詩課子。  
行書。醉了忘歸路。便便舞舞。不怕執金吾。○  
前村貫酒烹雞。割韭對景臨流。身輕體健誰  
能勾。正好優遊。開小池。篝泉種藕。坐平莎。博

塞傳甌。時序清明後。花香客有不醉又何求。  
○奔濤赴海。一間茅屋。萬點蒼苔。詩書未滿  
窮酸債。怎可胡歪。謾興詩耕餘。細檢粗豪氣。  
去了還來。管甚麼黃齏菜。情舒意解。不說玳  
筵排。

普天樂 十九首

田家雨初晴。雲還布。烟村隱顯。臯陸模糊。跨蹇  
驢尋前路。畎畝縱橫耕耘處。一樁樁。怎許支  
泝一



吾畦邊培土灘頭晾罟門外修渠○集賞元  
宵開簾幕花燈燦爛星月婆娑一派歌千人  
和玉笋金卮非常个醉歸時扶有雙娥衣羅  
笑脫釵金謾裹明日如何○春思草萋迷人何  
个粧慙金粉興寢笙歌燕子樓蓮花幕細雨  
殘燈愁難過恨東君忒殺情薄芙蓉露底鶯  
花隊裏甚處情多○開酒初熟桃方破呼朋  
喚友命色徵歌月有陰花無那淺淺輕輕休

空過興來時起舞番番金門玉珂蘭堂畫閣  
便待如何○病忒踈狂無辭遜一時唯唯終  
日昏昏露半身蓬雙鬢浴水吞茶無遭頓又  
何知飯軟羨新蟬鳴耳根天旋眼底身坐車  
輪○遣懷笑新來能紆肆尋幽弔古酌酒吟詩  
梁棟才經綸志羽斷輪摧無一事半床書結  
果家貲陽山餓子龍門太史總是吾師○美  
淡梳粧還波俊秋橫眼角人是天孫翡翠巢



鶯花陣。一刻千金誰慳惜。賺多情不敢逡巡。  
筵開玉尊。絃調玉軫。唱遏行雲。○贈小橋邊  
垂楊下。輕歌玉樹。低摘琵琶。酒半酣。車初駕。  
鳳髓龍肝。如嚼蠟。霎時間。海角天涯。夕陽暮。  
鴉西風去馬。無限嗟呀。○宴集露花寒。波金細。  
青山若洗。黃葉初飛。列綺筵。陳高會。品竹彈  
絲。圍珠翠。不消閑。老大空悲。秋光漸微。年華  
待委。暖律將回。○戊辰冬。予以憂歸。同逐諸  
君子。每有贈慰。于予。聞有

龍當是隆

旅寄殊方者。或涉中途。相吊交契。既深。誼分  
並食。暇日。追惟其意。撰此曲十首。命曰有懷  
十君詞。○北草堂深。人孤坐。同誰眺賞。且自吟

哦。黃鳥來。青梅大。烟水晴嵐。當門錯。恨經年  
未得相過。新來好麼。碧桃較可。康兆如何。○  
漢數年來。賓朋散。紛紛心事。杳杳雲山。笑語  
踈。追遊憚。細雨西風。情無限。坐黃昏。淚點空  
彈。龍中興。闌城南。事晚。汶上誰還。○空見來  
書。知心緒。風波尚險。將就何如。萬里途。千江

泝一

字九



路孤影。翛翛無依處。那箇待詔公車。春風舞雩。東華細雨。不索躊躇。○河賓柳絲髯芙蓉面。三春未接。一念長懸。步玉堂朝。金殿並轡。聯鑣情無倦。柰別來調改朱絃。青門灌園。南村跨蹇。異地同天。○谿聖賢徒。義文緒。關西鳳羽。世上真儒。水遶門山圍戶。此是先生讀書處。二十年待價沽。諸驪龍抱珠。枯田望雨。試看何如。○栢近才知心如沸。於公豈有在。

古堪悲。別駕亭文明世。憂國憂民。誰能契聖。明君竟想臯夔。龍岡那壁。磻磻這裏。天意收拾。○涇野思如泉。心如鍊。千人器宇。絕代豪賢對。御筵陳清獻。義膽忠肝。天應見。稱當年策士臨軒。西風信。偃東華路遠。常是凄然。○平出群才。風流人。人如美玉。思若長河。情性踈襟懷大。富貴榮華。浮雲過。不隄防。又入風波。雌黃柰何。天涯歎我。夢境由他。○泉可自別



來書頻寄。潼川刺史。金榜餘魁。病柰何心空。  
繫漢水巴山如天際。幾千重烟透雲迷。楊雄  
好奇。曹植賦七。眼底原稀。○坡白少年人文章  
士。千機瑞錦。萬首新詩。題柱心凌雲。思便是  
相如。還難似數年來。夢香心咨。西堂醉時。南  
郊去始。無限相思。

紅綉鞋 七首

贈識世味烟霞遁跡。曉人情山水藏機。半間

茅屋繞疎籬。寬敞紅塵路。香馥馥紫羅衣。  
老先生不覩的。○秋碧撲翠色。秋山如靛。涌寒  
波。秋水連天。西風黃葉滿秋川。秋喚起天邊  
雁。秋折盡水中蓮。秋添出階下蘚。○雨中會踏  
蹬樵夫前路。解淹留遊子歸途。三春花柳半  
支吾。芍藥闌邊醉。鶯燕个中娛。兩般兒都告  
阻。○道伏虎降龍人物。驅雷攝電功夫。白雲  
深處小蓬壺。掃徑燒松子。滴露點陰符。跨黃



鶴朝玉府。○集宴百歲韶華將半數年心事都  
拚興來時隨意列杯盤。門前山隱隱溪上水  
漫漫。飲香醪俱要滿。○贈人筆底文瀾如瀚匣  
中寶劍光寒。十年流落草茅間。三月桃花浪  
萬丈碧天關。取功名真手反。○次客細雨孤村  
茅店。梅花紙帳江簷。困來一枕睡何甜。絮叨  
叨寒蛩亂。清冷冷曉風纖。鬢邊霜容易染。

上小樓 二首

感興東籬逝矣。南村誰繼。摘葉拈枝。尋花鬪草。  
總費心機。得意時自有奇。天然一氣對癡人。  
怎生廝議。○閑情金閨視草。蘇門獨嘯。自有風  
流自存形迹。自占孤高。破布袍。缺齒鋏。新來  
知道。都不如葫蘆提倚闌一覺。

商調

梧葉兒 二十首

雜曲幾十日春常媚。不多時花再濃。粗布襖竹  
沂一



方筇好共互隨緣。過凶和暴耐志兒。容長嘯倚空同。那个是疾流。澗退勇。○荷初細。柳正黃。深院坐胡床。青梅瘦。碧碗涼。水雲鄉。受用。○蘭航畫舫。○山如畫。柳勝烟。隨處總堪憐。携壺坐。倚醉眠。思超然。閑快活。蓬萊地仙。○千畦藥。半頃芝。四韻五言詩。麒麟殿。鸚鵡卮。憶當時。煞不把先生說死。○言得罷時連忙罷。得休時趁早休。逝水自東流。也不要直如線。

浪

裁

也不要曲似鈎。也不要傲王侯。有酒呵邀來便走。○得托齊書凌雲思。霖雨才。何日下予懷。空

相過。莫狼猜。寄書來。會有日尊傾北海。○懷蒲

英雄士。撥禳人。共領杏園春。相如病賈傅

文。要相親。除有來生是准。○得序菴寄詩知章韻

太白才。瑞錦為誰裁。慇懃意。感慨懷。近年來。

故舊何人似乃。○寄敬湖千株柳。十里花。文字

大方家。青蓮舫。玉貌媧。撥琵琶。單把先生醉

泝一

三十三



俊○初秋金風細暑氣微。高柳倦鶯啼。開冰簟。凭玉肌。睡如泥。夢魂兒直敢到羲皇那壁。○贈二連城玉照乘珠。才調更誰如。登金榜。掛紫魚。但須臾。快不要拈雲鬪雨。○藍袍舊白髮新。豪邁振千人。安邦志報主身。待風雲管取青霄步穩。○事鴛鴦被玳瑁釵。堪趁可憎才。清秋夜。玉雪齋。少人來。受用足花香月色。○上庄雙溪水四面。山。人勝。画中看。開新釀舞。

着

翠鬟到更殘。有甚麼名牽利縮。○千鍾祿一品官。眉上幾曾寬。蒹葭月。首宿盤。兩三般。是。多少心紆意款。○蒲團小木几。牢。睡字兒好。輪者。春分酒。夏至桃。與誰學。趙趙把山翁醉了。○花闌密。草徑滑。池水奏鳴蛙。歌金縷。泛紫霞。正堪誇。又走向溪兒那答。○自述年雖未鬢已星。身事漸無成。經綸興。簪組情。也曾評。到底是蜃樓畫餅。○夏日田居閑庭小院宇。深花



鳥共知音。桃如盞。柳似金。趁開心。日日科頭  
恣飲。○閱世非真儒。豈詐憨。世事故難諳。驚人  
論。誑座談。總虛撓。蹊落了。心悲意慘。

越調

寨兒令 八首

小集開小軒。列華筵。歌歌舞舞聊自憐。海水桑  
田。萬歲千年。都是脫空言。臭春風。芍藥闌邊。  
戲秋千。翡翠亭前。名姬秦氏女。佳客漢陰賢。

看便是活神仙。○漫興眼謾睽。事如何。失脚的

古人先已多。趙竄廉頗。漢繫蕭何。薏苡病伏  
波。歪揣的儘會。倭儻。英雄的反受蹉跎。子陵  
隨釣艇。舟里隱山阿。訶。怎生得平地裏。惹風  
波。○乘蹇驢。眺延墟。青山映門水。遶除卸了  
金魚。遂却閒居。日日醉壺醕。想粗豪。曾隘匡  
廬。見污名。有似蝦蛆。便功勳。留琰琬。索結果  
入桑榆。吁。簽負了養生書。○雖是窮。煞英雄。



長嘯一聲天地空。祿享千鍾位至三公。半霎  
 過簷風馬兒上。纔會崢嶸局兒裏。早被牢籠  
 青山排戶闥。綠樹繞垣墉。風瀟灑月明中。○  
 南畝田北溪園。荷鈿帶篆心自便。晚照晴原  
 翠竹鳴泉。隨處儘堪憐。喜山妻釀酒能甜愛  
 癡兒誦曲成篇也。何須紅袖舞。也不索大官  
 筵。仙快樂任年年。○步過許知已稀。鱖鱸肥  
 獨酌淺斟花塢裏。吸了漿梅看了茶糜。對景

意遲遲。草堂低渭浦。烟迷柳絲長。遠樹鶯啼  
 新詩酌和少。芳徑共行誰。呀。寂寞杖藜歸。○

寄北山子結小庵。北山南。鳴泉噴珠。清遶岩。虎窟

龍潭。烟樹晴嵐。詩酒个中參。論真誠。曾鎮貪  
 婪。道功名切陋。安咸布袍。雖自窄。茅舍儘容  
 啣。諳不惹載珠。諛。○閨秋雨頻。別離新。兩椿  
 兒。湊成多病身。縱對青尊。但搵羅巾。無語自  
 傷神。綉帷中。那日温存。盡闌邊。此際黄昏。磣



可。可。甘。自。保。密。匝。匝。有。誰。分。嗔。錯。認。了。薄。情。人。

仙呂

寄生草 七首

田居秋風細。暑氣微。芒鞋竹杖溪邊憇。青松翠竹門前蔽。鳴鶯語燕林間戲。蒼波且釣錦鱗魚。紅塵休惹黃琮珮。○讀史有感天應醉地豈迷青霄白日風雷厲。昌時盛世奸腴蔽。忠臣孝

子難存立。朱雲未斬佞人頭。彌衡休使英雄

氣。○千株柳。二頃田。踈狂果遂男兒願。功名

怕入麒麟殿。糟糠且耐這窮酸面。披頭跣足

有餘歡。吟風弄月情何倦。○隱者嚴夫子。邵故

侯。黃麻不向金門受。青山甘守窮閨竇。芒鞋

竹笠閑將就。風雲任取笑談生。逍遙那許凡

庸扣。○宴集醅香糯品玉簫。春風喜透芙蓉幕。

仙歌更稱桃花貌。追遊不減蘭亭樂。千金一



刻要人消。一呼百諾何足道。○庄上山居好。  
景物幽。竹籬茅舍新修構。柳絲花朶交迤逗。  
黃雞濁酒權消受。閑時做作悶時謳。今朝快  
樂明朝又。○情眉尖恨。眼角愁。前春未了今  
春又。黃昏漸到燈昏後。桃花更比梅花瘦。薄  
衾單枕幾時溫。香車寶馬長年謬。

南曲

醉羅歌八首

賞牡丹

醉扶歸四句

牡丹初開放佳會又何妨紅蕤綠

葉散天香。玉笋浮瓊釀。無邊春色隨人玩賞。

十分美景。憑君主張。休教辜負名園上。蜂蝶

攘。鶯燕忙。百年三萬六千場。○牡丹初開

綻佳節。好張筵。深紅淺紫盡天然。玉液金

壺鏡。催人春興。花枝謾撚。堪人春意。歌喉又

轉。名園幾度能歡宴。輕輕瀉。慢慢傳。大家沉

醉賞花天。○牡丹都開了樂事好須教



風光難值可憐宵。不飲花應笑。去年人醉今年已老。今年花卸。明年又好。天時物理全難料。人如玉。酒更饒。萬花叢裡聽笙簫。○牡丹  
。開仍卸。好酒。少還賒。春光無奈。又將別  
休判了。千金節。新詩幾首。煩君和此。朱絃一  
曲。煩君聽。花前此日。休輕歇。懨懨醉。細細  
說。任他歸去。月兒斜。○宴豈如。今宵興沉  
醉。又還醒。高燒銀燭。轉歌聲。樂事相催。併

燕姬翠黛。秦娥玉笋。越兒白紵。吳娃繡領。筦  
絃一弄。行雲定。天親具。良夜永。銀河天外任  
歌橫。○好懷。人難共。佳興。有誰同。春風  
淡蕩。瑞烟濃。玉笋金波湧。浮雲富貴。何勞掛  
曾。光風和暢。依然未窮。兒孫滿眼。丹山鳳翮  
翩舞。淺淺鍾。十分春色。盡堂中。○也學。東  
山客。不是。競豪奢。今春粗勝去年。歲更骨  
肉團圓也。緩斟低唱。樵樓漏徹。微吟謾酌。金  
泚一



爐麝歇肯教辜負千金節。醒還醉。乾又寫不  
妨。終日醉也斜。○且拚。今宵醉。休問。幾  
時歸。玉漏沈沈斗杓迴。尚兀自清無寐。雪兒  
不至。更籌又催。檀槽香撥。歌喉更美。前春怎  
比。今春味。重燒燭。再舉杯。尊前一任玉山頽。

畫眉序

四首

同東谷  
小酌 秋雨野花殘。怎料今宵興未闌。望長  
空雲翳。低厭闌干。雨淋漓。戍鼓聲咽。星隱約。

銀缸光燦。歡歌此際佳無限。誰知露冷風寒。  
○溽暑近。方殘。萬縷金風報夜闌。羨瓊漿玉  
液。醉倚闌干。倩東君暫謝袁安。邀北海。聊同  
王粲。歡歌此際佳無限。誰知露冷風寒。○秋  
色漸催殘。撫景無言倚畫闌。歎疎林斜月掩  
映闌干。斟綠蟻。醉舞蹁躑。對永夜蟾光輝燦。  
歡歌此際佳無限。誰知露冷風寒。○歸去已  
冬殘。笑語依依任歲闌。想麟標鳳羽。照我闌



千望天涯萬水千山重聚首柳嬌花燦歡歌  
此際佳無限誰知露冷風寒

山坡羊 四首

四時行 日暖風柔時候柳暗花明園隙繁絃  
樂詞 急管聲相逗恣意遊紅粧翠袖酬前春怎想  
今春又爲怕春歸常殢酒重樓韶光不可留  
枝頭桃花半已休○雨過庭槐生綠風驟池  
荷欹玉浮瓜沉李賓朋聚選妙姝良辰不可

虛紅牙白雪行雲住恰又是柳暉鶯嬌花落  
餘隨俗耶筒滿自於明珠誰憐惹意以車○闕  
情白雲零露驚心落霞孤鷺碧天暗裏秋光  
度酒滿壺年前興有無黃花在眼猶堪賦何  
似東籬元亮圃狂圖功名已自誣江湖從今  
好共娛○瓊花天邊斜度梅花枝頭微露圍  
爐對酒寒難妬翠袖扶慙慙倒玉壺年來年  
去空遲暮不飲梅花也笑吾肴蔬槽蒲與鱸



鱸醑酥。杯空更去沽。

風入松

四首

十二首

行樂一聲鶯過草堂春。春色紛紛。東風又轉  
催花信。柰無端春興撩人。但遣奚奴載酒。何  
妨紅袖陪尊。○火雲天外聳奇峯。夏景方中  
槐陰小坐。微薰動荷池上。共飲耶筒。跣足披  
襟。旣好。流金爍石皆空。○碧空雲盡。火星流  
萬宇。皆秋。炎蒸漸遠。涼新透。心無事。正好追

遊。莫吝青蚨。貫酒還思白髮蒙頭。○天涯霜  
雪際寒霄。風力初驕。圍爐也學元龍傲。恰殘  
月半偃梅稍。稚子階前戲舞。玉人何處吹簫。

○詠內丹

脩丹先造紫河車。方請鉛翁。鉛翁

若返青娥舍。靈胎就詎有咨嗟。十月功成。行  
滿三途。萬劫難度。○自家基址。旣堅牢。道路  
何遙。乾坤各有生成竅。真誠是生死窠巢。謹  
等一陽動起。那時吸盡江濤。○鉛翁闕閱在



西江性格猖狂。只因插在青龍上。氤氳出透  
體金光。待取胎完氣足。抽添始見純陽。○抽  
添既了。虎精飛龍德方熙。長生從此歸真諦。  
何須慮陵谷。迁移莫泥閨。丹戰採。頑空吐納  
皆非。○詠外丹 爐火 流珠伏火要真鉛。就裏玄玄  
龜涎久煉。陽光現。纔堪許。姹女情緣。爐鼎乾  
坤止。此精微變轉。須傳。○天機親向手中拿。  
臨做還差。青娥若把金公嫁。初相見。怎敢紛

譁。溫養傳涵。久久。貌同心似。方佳。○丹成初  
子事何憂。嗣續方稠。依前煉養。休差謬。經三  
轉任爾優游。到此鉛華始盡。灶頭戟底。皆候  
○鉛華淨盡。始孳生。立見雲仍。相生切忌。丹  
爐冷。生生了。遮有功能。九子威深。永怯乾時  
但取星星。

兼帶

小梁州 帶過 風入松

四首



飲酒興來徒倚盼庭柯。擊壤高歌醉時起舞。  
作影婆娑。誰相和一榻紫雲窩。賓朋三兩常相  
過。喜孜孜落落陀陀。有笑談無憂禍。名韉利  
鎖爭肯被他魔。好天良夜幾娘多。不飲如  
何。身逢暇日當行樂。休辜負妙舞嬌歌。醉裏  
乾坤在我。暗中檢點隨他。○人生七十古來  
稀。受用了便益。爭名爭利枉呆痴。其中味參  
透了自家知。窮通榮辱皆兒戲。勸英雄休自

着迷。五柳庄三家市。呼朋喚友。隨意寫新詩。

雖然不及少陵詞。點綴襟期。村醪社酒終

朝醉。扶持有稚子。山妻女嫁男。婚幸了。龍爭

虎鬪那知。○百年三萬六千場。正好風光。有

花有柳有壺觴。名園上。沉醉了。又何妨。陽春

白雪。花奴唱。齊拚箇地久。天長訪戴逵。尋元

亮。知心兩兩。誰敢問行藏。浮名休趁世人

忙。空惹周張。眼前見放。傍州樣。猶兀自法酒



肥羊似此丹崖翠壁。何如寶券牙章。○幾年  
無事傍江湖。多少歡娛。花蹊藥塢錦糝糊。凝  
眸處。身在五陵圖。無榮無辱無憂慮。喜西崦  
村釀新蕪。瓦盎盛。椰瓢注。高歌一曲。沉醉倩  
人扶。○醒來依舊是吾廬。稚子爭趨扶頭。

溶溶注。松陰下撥阮吹竽。渭北蹉跎暮景。

真成錦綉東隅。

南紅綉鞋兼北紅綉鞋

四首

席上望園林綠暗紅稀。列杯盤翠繞珠圍。歎  
年華似流水。對桑榆且啣杯。不消遣枉痴迷。

○早覓取風流活計。快收拾仔細心機。愛便  
宜終久落便宜。榮枯三徑草得失一枰碁者  
休要厭甜桃。尋醋李。○也何須海上求仙也。  
無勞歷下憂天。曲隨歌酒休淺得意處便留  
篇。沉醉後任安眠。○陪伴着窮酸親眷。將息  
這衰蹇殘年。虎狼叢爭肯教口垂涎。淵明亭



外柳茂叔沼中蓮。受用足。快襟懷。風一剪。○  
刺庭軒翠岫奇峯。可喉寵碧椀金鍾。這粗豪。  
有誰共。觀秋水詠芙蓉。看涼月上梧桐。○大  
纛高牙何用好。天良夜休空。興亡成敗笑談  
中。眼前人白顛倒。身後事黑朦朧。鬢邊絲誰  
和噴。○潑生涯酒袋詩囊。小窠巢淨几明窗。  
尋幽勝。縱情況。揀園苑恣徜徉。拚醪酌。又何  
妨。○自笑我初年無狀。着迷向名利排場。曉

風殘月爲誰忙。好光陰空偃蹇。正行影亂傳  
揚。北着那鹿中蕉。還較謊。



鈞

汴東樂府卷之二

南呂

一枝花 春賞

套數



和風動碧天。淑氣回青嶠。長堤翻嫩柳。深澗  
 點天桃。暖律初交。已顯鴻鈞造。誰知大化饒。  
 徧天涯。芳艸葱菁。滿園陬。穠華窈窕。梁州  
 杜宇聲喚不住。戀春光。遊客金鞭。秋千影  
 打不斷。戲春情。士女朱繚。春盤綵勝。爭夸耀。

汴二

一



纔歸南浦。又約東臯。方過竹塢。却入林坳。喜  
孜孜。喚友呼朋。樂陶陶。命色微嬌。少酒時點  
春衣。直覓向杏花谿。牧羊兒笑指前村。有情  
呵。沂春流。直訪到楊柳岸。釣漁翁。行吟曲沼。  
醉來波倚。春風斜臥。在碧桃蹊。玉人兒鬪草  
東郊。香醪翠猱。兩般兒。促擁出千般妙。更那  
堪。長樂苑。曲江道。處處朱樓映柳條。端的是  
難畫難描。隔尾。也待要護春園不許東

風虐。怎禁他趕暮景。頻將花片拋。綠暗紅稀  
百忙鬧。黃鶯聲恁嬌。綠楊煙恁好。到過了如  
此春光。兀的不可惜了。

又夏賞

新荷點綠錢。濃柳團蒼蓋。朱櫻雲外摘。白露  
水邊來。芍藥方開。簾捲葵榴色。歌移鶯燕猜。  
望層臺。灌木陰陰。看曲沼。纖蒲藹藹。梁州  
水亭幽。宜歌宜舞。午風涼。堪想堪懷。年來



賸有追遊債。閑調金縷笑。引鸞釵。雄吞碧梳。  
 醉舞蒼苔。亂紛紛戲鞠。藏闌密匝。打馬鋪  
 牌。有時節。綠陰中坐。輕莎漫轉。屠蘇。有時節  
 小橋邊。起清波。微歌款乃。有時節。踈籬外。藉  
 涼陰。俯視詼諧。歡來再釀。從他酒病連朝害。  
 者莫向。紅樹底。碧山外。顧不的。避飲黃公肚  
 量窄。都一般。暢飲開懷。隔尾。雖不似流  
 金鑠石三伏。屈。怎當他。翠遠紅圍一字排。美

景良辰好寧耐。有花香。月色。有佳人。俊才。似  
 這等。着緊光陰。便有那萬兩黃金。向誰買。  
 又壽北山先生

丹霄彩鳳來。畫閣天。仙到南洲。遺火棗東海。  
 獻蟠桃。瑞氣飄颻。一派笙歌鬧。千聯羽節高。  
 壽筵開。壽酒如泉。仙母降。仙音縹緲。大迂  
 鼓。仙姬列翠翹。金杯玉斝。畫棟朱箔。仙客  
 皆竒妙。仙花仙果。仙酒仙殺。仙圃仙居。難盡  
 泝二  
 三



描。罵玉郎。珠簾不許凡塵到。山隱隱水

迢迢。蒼松老檜周圍罩。有的是獻菓猿卸花

糜燒丹竈。一江風。醉醅醕。此意誰堪道。

自有知音妙。儘今宵。主勸賓酬。斗轉星移始

稱佳辰樂。歌聲聽轉嬌。歡棕看更好。有甚事

縈懷抱。感皇恩。呀。他本是天挺人豪。說

甚麼丙魏蕭曹。想當日列都臺持使節靖天

驕。今日个辭榮豸府。溷跡漁樵。真个是有來

頭能結果會逍遙。東甌令。多才藝看問

學治亂安危咳唾間了。功名事業看來小。自

喜元龍傲。觀山翫水樂淘淘。雲蕩漾錦窩巢。

採茶歌。雲蕩漾錦窠巢。玉璘珣好根苗。

端的是鳳凰池上鳳凰毛。壽比南山還艸艸。

福如東海任朝朝。節節高。銀箏玉笛錦

瑟鸞簫。織羅霧縠相輝耀。般般妙。更綺筵翻

新調。恍如耳聽鈞天樂。分明身在蓬萊島。沽



名釣譽怎生堪。雄才大器，統能到。隔尾看  
了這堦。搗滿把金杯。照徑竹輕將玉珮。搖水  
閣風來翠簾約。有鳴鸞舞鶴。有琪花異艸。敢  
則是天上疑多世間少。餘音有 年年歲歲  
人長好。天長地久永堅牢。萬載千秋長不老。

又秋興

波澄木葉飛。秋老山雲澹。小樓歸鳥度。高閣  
晚風鏡。綠橘黃柑。故把秋容嵌。還將秋興採。

坐崇巒。天闊煙微。臨曲沼。荷枯芰減。牧羊

關。輞川圖寂寞。了菜萸。泝桂嶺。記蕭條。煞

鈿母潭。把一葉採蓮舟。漂泊的地北天南。促

擁的江湖太狂。逼落的簷鐸煞慘。清輝流玉

臂。涼霧濕春衫。對金尊拚一醉。撫瑤琴。情萬

感。菩薩涼州。傍谷依巖。把千山俯瞰。閑

愁不沾。好棲遲。一掃茅庵。白雲蒼岫。恣貪婪

朱顏。綠鬢無多暫。輕裘肥馬。常傾陷。眼見的



不遮暗。世態人情卽漸諳。又甚麼管見高談。

玄鶴鳴。思往事明如鑑。趁秋光且盡酣。

衰容新蹇蹇。短髮漸鬢鬢。休直待秋色暮天

昏地黯。且看籬邊黃菊。戶外晴嵐。床頭寶劍

杖底長劍。枉笑殺當年藉與咸。濁醪可醢。玉

珮豈堪。賀新郎。一尊桂酒味清甘。只吃

的夜盡更移。香銷燭暗。又不是大官茶飯愁

糾。勘意到處湖山任覽。興濃時歌舞隨。嚼雲

麝

鬢燕趙女。繡帶鳳凰簪。紅牙不如芙蓉。領肌

穠。荷未飲。語媚桂初含。梧桐樹。休夸德

祖敏。且抱伯陽憨。者莫交貝錦譏。蒼苔謗。麝

裘訕。我則知沉醉在黃花檻。紅芍藥。我

如今煙波獨許白鷗參。有甚叨貪。一年時序

已過三。樂事空擔。和陶詩張白毯。得意后笑

語湛湛。虛脾風月任君詒。似睜眼受拘

監。草池春。怕拘監。愛淡恬。自返幽居事

泝二

六



事舒眉張膽。歷歷神怡心湛。常常意暢情耽。  
 日日開尊設宴。漢陰抱甕。豈慚沒上荷鋤。何  
 憾愁同季子。聯駿喜共長公。浮艦荊州介豎。  
 信說錢塘詩人。亦聞悲歌慷慨。匪鷓坐起從。  
 容宜監。花無千日長。醜海豈一槁可採。口味  
 怎齊淡鹹。目力易分青紺。想他每落魄湖南。  
 遊戲江檐。散澹林嵐。嘯傲津潭。又有心皂蓋  
 金銜。既隱秋巖。是非身喜應了。漁樵憾懸河。

辯倚馬譚到處人嫌。放情偃蹇。信意腌臢。

翠盤秋

看時節

移坐塌對明蟾。口把新詩

占。捲起疎簾興更添。桂漿瑤瑟兩爭甜。不數

石家艷。玉交枝。由他醲醲隨時束檢。長

安門裏多坑塹。古來今幾人諳。周公富不及

仲子廉。楚襄愚可似曹瞞。僭盡都是書生兄

談甚力氣和他討探。不如咱閑袖手靜掀髯

逢暇日把杯探。心無一事牽愁脫。千斤擔常



訪鹿皮翁永閉龍光劍。且將息不耐風霜自

由的臉。煞比似他高牙大毒纒有千人喊

怎及俺萬縷烟霞盡日酣新詩吟罷不題函

便衫袖被酒淹。怎肯交情闌興減。這風流豈

污濫古往今來只二三。端的是敢陋安咸。

隔尾。想當日名傳鳳苑真虛泛身繫鸚班

事可慙薄劣愚庸近方諳。則好向山林中笑

談桑榆間眺覽。但想起駟馬高車就說破我

膽。

罵玉郎 丁卯即事

玉階昨夜妖星見。排正直寵奸權。人人剝削

夸劉宴。奏文宣。阿武偃。題封禪。感皇恩

順水推船。揀空拋磚。假粧么。胡捏鬼。大欺天。

翻了白典。弄出新圈窠。馮唐囚李廣。薦韓嫣。

採茶歌。盡爭先。要調元。搬騰的赤眉銅

馬徧中原。已往斯高須未遠。方來狐鼠要憂

洪二



鷓鴣。

又

應作鹽

平生正直存公道。番落後小兒曹。說言浪語  
千般造。蕙成茅。真當艸。恭為傲。感皇恩  
任意曉曉。信口嗷嗷。子淵愚無艷美。鄧通高  
艾了。瑞草護起蕪苗。恨填曾。究徹骨。事慙學。  
採茶歌。暗劃度。細評駁。多敢是天時人  
事有崎嶇。玉潔冰清。終自保。虛名微利。怕題

着

四塊玉 自酌

任意行。安心坐。叱吒風雲當甚麼。青春白日  
休空對。燕燕彈小小歌。鶯鶯和。罵玉郎  
人生恰似秋風過。才裊裊。早陀陀。英雄氣槩  
何須个。杏才舒。梅又顆。楓將落。感皇恩  
富貴如何。貧賤由他。小蒲團。低石几。且消磨。  
微吟既可。長嘯當合。對青山。沿碧岸。擢滄波。

游二

九



採茶歌 趁年和做庄活村醪社鼓舞婆  
娑緘口藏身煩惱少識人多處是非多

正宮

端正好

秋興次漢陂先生韻

霜降水收痕水落山緘綠淡烟衰草橫鋪黃

花爛熳梧桐塢掩映着西巖路

滾繡毬

剗畦塍作沼渠架桑麻蓋隱居樂淘淘

做一

个傲義皇人物任天公怎生般加減乘除興

髓

來呵旋去活睡濃呵誰敢呼我把這世間情  
飽諳心目也待要苦苦依依落魄隨俗止爲這  
雙妻被底難伸脚因此上七里灘頭只釣魚  
撇罷了玉廩天厨 叨叨令 想着那列朱

門排畫戟風雷度怎如我飯雲根食玉體烟  
霞住有時節望青山看綠水乘嘉樹有時節  
伴漁樵歌窈窕盟鷗鷺兀的不自在殺俺也  
麼哥

夢不向鳳池遊



座不許朱衣擁身不要黃金鑄。脫布衫

愛的是小槽間榨滴珍珠。拔的是畫堂中舞

映艷能喜的是曲檻邊鶯啼燕語。怕的是玳

筵前酒停歌住。小梁州 憑着這廣種薄

收百畝壩。有甚躊躇。但能勾千盃綠醕潤腸

枯。盈虧數一迷里做痴愚。么 常言道聰

明反被聰明誤。悔當初硬將龍鬚覷了那軒

冕叢簪纓聚。恰便似蜃樓海市。越明白越糗

糊。上小樓 說甚麼貔貅候府。金貂引路

止。不過寢有餘姬。食有餘味。動有餘驅。鄭大

夫。楚大夫。千憂百顧。則俺這醉中天。幾人參

悟。么 遮莫他人成市虎。我只要心隨汀

鷺。况逢着萬國同文。三邊偃武。四海無虞。意

轉舒。影未孤。他來我去。恰便似澹悠悠散雲

閑鹿。滿庭芳 那里問柑甜橘苦。管甚麼

磁甌瓦鉢。玉斝金壺。前程萬里。昏如霧。那坨



殺

棒

兒買笑追娛客至也烹雞宰殺酒闌時閉戶  
 鍵閤繁共省由自做常把這烟霞伴侶何必  
 問匡廬快活三流年電過速富貴棒催  
 駒山妻稚子再無餘何苦縈心慮朝天子  
 拆這座矮屋蓋一所敞屋意更比陶朱富  
 吟詩泛酒日西晡總是風流處綺構雕闌朱  
 樓玉戶訪東君非舊主有黃梁幾斛守薄田  
 數畝肯更把虛名顧四邊靜且看這秋

嘆

風禾黍未識隋宮安知漢都舊日名區今日  
 耕耘處怪官胥里徒俵寫入農桑簿耍孩  
 兒為甚麼安車耻向紅塵去單效那不啣  
 啣悲秋杜甫便做到三公六位待何如頭疼  
 殺馬穰人呼愛你箇科頭跣足眠幽谷因此  
 上倒缶傾囊貫酒壺閑議論誰曾顧可正是  
 山禽難飼野馬難駕五煞天空水自澄  
 心狂膽易粗長門獻賦非無遇林泉慣養嚴



陵拙毛骨愁開伯樂園意到處都成趣情受了琴書散誕怕甚麼世故荒蕪 四煞 阮郎途未窮黃公計有餘今生暫歇雲霄路歡來漉酒溪頭飲醉後呼僮馬上扶也不索蘇門住我看那鳴鸞佩玉恰便似怖鴛鴦駒

三煞 輕霜下遠天清風蕩短褶黃花又趨秋光去比若你蒼鷹細犬愁呼了怎似我破帽青衫穩跨驢日暮也船橫渡休誇智巧且

信僞愚 二煞 斜暉倒浸波長空亂點烏

行歌坐詠非遲暮竹籬茅舍人來晚峻嶺崇山月上初試緩步臨流去影搖深樹興滿歸途 一煞 殘年喜尚饒人情信所趨飄風

逝水勞君覩常教瓦盎盈村酒不必公車枉薦書醉飽後別無處堪嗟楚信可笑吳胥

煞尾 非關咱感廢興但因情陶肺腑是誰人勾引出蹊蹊路直恁地穰穰勞勞亘今古



又南北合調賀南川生子

和氣滿門闌。瑞靄騰街巷。喜今朝慶集高堂。  
也則是祖宗培築根基壯。恰桂子迎秋放。

普天樂。菊花香。龍山賞。撫景增情。况又那

知際此佳祥。熊罷兆正叶。心想玳筵簫鼓淵

淵響。貴客佳賓。翩翩訪。又仙鬟玉佩。丁璫唱

新詞。宮商韻爽。充閭之喜。世德之光。脫布

衫。充閭喜世德之光。箕裘事喬梓之方。萬

事足芝蘭又盛。一身輕宦途何狀。傾盃序

修篁。俯畫廊。映碧窓。舉目皆清賞。酒友詩

朋。吟風弄月。這般曾次。甚樣行藏。薰蒸溫養

流馨襲美。發秀傳芳。便有那謝家群從。定誰

強。小梁州。聽了這一派啼聲出洞房。端

的。是擊玉鳴琅。徐卿二子。世無雙。槐庭上。沉

醉了又何妨。少不的鳳毛麟角。般像堪承

藉累世恩光。見如今世爵堂。回軒巷。玉觴金



鬯奕葉煥生香。小桃紅南。是平生陰德廣。  
意到處人俱仰。接武承顏眼見的。非虛獎于  
公實。父真堪想。丹心已被皇天亮。還應更有  
儀儼成行。餘音南。傳鸚鵡引鳳凰。湯餅客  
填門溢巷。願保護靈椿百歲長。  
應用北尾

仙呂南

八聲甘州中秋

長空霧捲碧落光圓。玉宇風嬌。西樓開宴。掀

簾正對嬋娟。謾把金波酬此夜。喜見瑤華勝  
去年。舉酒問嫦娥。桂海蒼然。雁過聲南。誰

把佳期。殢謫仙空。悵望雲間。清虛殿便。寒蟬

玉兔人俱見。舞白鸞。燕星源。太都來。凡俗非

緣。含杯桂影邊。且消磨。扇底芙蓉面。好遣嬌

歌倚素絃。醉中天。少室山頭竹。太華沼

中蓮。影落佳人錦瑟前。萬里光如練。却憶南

村去年。分明不見。偏怎生。今夕依然。風淘南



沙 圓缺陰晴各有緣。况天上與人間。流年  
暗裏如驚電。對金杯休放淺。太湖石側。水晶  
簾畔。凭鸞簫。搗銀箏。半欵羅扇。乘風可憐鵬  
背遠。何如恣歡宴。么 雲母屏移。光漸轉。  
一箇箇襟期。敬情興。使人似玉酒如泉。良夜  
更休眠。也何須羨。庾亮與張騫。金盞兒  
藝檀烟。撒冰絃。天孫故把玻璃碾。遙看貝闕  
俯高寒。我可也。但求花底醉。不望海中仙。若

得个相逢開口笑。煞強如燈火伴愁眠。拗

芝麻雨涼風過小軒。吉丁當幾弄。簷鐸意颯

然。露華凝砌。鮮芙蓉。簾幕梧桐庭院。疑是蔚

藍天。香霧暗雲鬟。更水調數聲。持酒聽也。誤

落翠雲鈿。良宵皓月。嘉賓美酒。嬌歌華宴。幸

喜心閑。無繫幽懷。好遣。荳蔻稍頭。鸚鵡洲邊。

又知今夕。是何年。畫舸蘭航。金勒玉鞭。一般

瀟灑。中此景佳無限。激灩杯。妖冶勸。莫惜重

此處分段



留戀白髮故人稀。紅顏明鏡變。好景中秋最  
宜歡賞情何倦。雙雁子北 則俺這太平人

是太平仙。少憂慮多仰偃。樂事無窮古希見。

歲豐和人胸臆。朝蓬萊暮閨苑。醉扶歸南

眼見的

戍鼓樓頭盡。槐影檻中偏。尚兀自一

派笙歌徹九天。笑吟移坐塌。添新鏃。管甚麼

柳外花稍水邊。光射處俱堪羨。一作棹南

吟髭撚。促席喜成篇。天氣爽放浪有誰愆。願

得常常好人月。兩團圓。杯更洗。不覺興飄然

餘音南 歌聲轉。舞態娟。醉了閑凭玉肩。願

歲歲年年慶此筵。

朕套不甚合必有誤

祇神急閱世

富嫌千口少。貧恨一身多。但得行眠立。耽糊  
突過強如黃犬悲。勝似青衫叵。風清月朗閑  
過活。可不儘由咯。落落醅醅。六么令 壘  
鹽腸肚從來弱。肥甘豈慣雅淡堪。合門無鎖



鑰居多詠歌。稚子牽衣。漁父投簑。看一犁春  
雨漲烟波。元和令。閑觀庄外禾。悶採洞  
中藥。倦時徙倚。盼庭柯。小桃纔破萼。柳絲花  
朶。夜來多。賽西京安樂窩。后庭花煞。韶  
華半已過。風流幸未迤。疏食甜如蜜。軒車礮  
似戈。待如何。年年依樣得。高歌處且高歌。

翠裙腰九日

黃花三徑如鋪綉。潦水漸將收。白衣不至空

回首解貂裘。前村有酒恰新篘。六么令

杯盤斝少權將就。幕天席地主勸賓酬。秦娥  
壓盡燕姬。放喉迤邐。秋山橫秀。凝眸一雙白  
鷺。立沙洲。寄生草。心無繫。意豈憂。黃花  
在手時時嗅。金波在口徐徐漱。人情在眼紛  
紛謬。相逢好。趁碧山遊。相看可似前年否。  
上京馬。幸有粗糧幾斗。儘足秋來帶歌酒。  
但能勾淺淺斟。怕甚麼薰薰又。后庭花煞



迎霜橘漸熟。登高景更搜。會想茱萸醉。心  
無萋斐愁。暫遲留。直吃的酒淹衫袖。蒙頭納  
被任勦勦。

村裏逐鼓 春遊

綠深紅暗柳遮花。映逢時。遇節呼朋喚友。微  
吟閒詠。眺遠山看極浦。循幽磴。浥翠嵐。漱碧  
淙望蒼烟。板繡嶺。取暇日。尋芳對景。元和  
令。風絲絲垂柳。縈水溶溶。落花迸。過谿橋。

沿水口到空亭。喜融和春晝永。携壺選伎奏  
新聲。似流鶯。巘外鳴。上馬嬌。調愈精。聽

轉清。歌情曲盡。景中情。丹崖翠壁。音相應。再  
也波聽。渾疑鼓瑟下湘靈。遊四門。閑花  
野艸遍郊垆。千里瑞雲平。凝眸刺眼。撩人興  
何處更尋盟。賡前席已詩成。勝葫蘆。笑  
殺山翁醉未醒。呼僮子問碁枰。勝負羸輸有  
甚爭。漢宮隋闕。何橋鄭谷。處處暮雲橫。后



庭花歸輿夕照生。縣藤斜月明。步倚春風健。歌因鳥弄停。興宜乘。年年僥倖。常餘舒嘯情。柳葉兒說甚鬧中習靜。爭教愛裏填憎。我可疑無憂無慮無後倖。醒還醉。醉還醒。抵多少薄利虛名。

點絳脣 賀壽

百歲陽秋小春時候。輕霜晝日。煖風柔絃管。迎長壽。混江龍。簪纓華胄。兒孫滿眼盡。

儒流。一个个懷琛蘊寶。接武承裘。文似銀河。千丈寫氣如溫玉。九天浮論家聲未忝似漢平陵。言世德豈落後唐司寇。不枉了名公之裔。君子之儔。油葫蘆。俺也曾咳唾珠璣。

傲五侯。柰迤邐在鵬鷺秋。雖是他雄才大志。未全酬。怎當他。曾懷耿耿羅星斗。詞章隱隱追韓柳。今日个樂桑榆。七十過。蟠龍虎。三千就。則看這玳筵開一派仙音奏。端的是南極。



下丹丘。天下樂。

說甚麼火棗交梨海外

求望閨苑瀛洲彩雲影天際頭獻仙桃騎黃

鶴下玉樓過行雲樂正喧灩流霞酒更熟一

个个舞翩遷身撒抖那吒令紫金甌獻

酬嫩羊羔墊口翠微堂宴遊小奚奴帶手紅

牙板撒收美嬌羞放喉似雛鶯柳外流比乳

燕梁間溜端的是按宮商撚打挑拘鵲踏

枝月轉過翠雲樓蠟燒殘絳花燭直拚个

甕盡杯乾說甚麼波湧泉流更有闍羅綺織

纖玉手都鬧哄哄交錯觥籌寄生草太

平日人多壽盛明時樂更優喜孜孜畫堂中

歌舞翻紅袖樂淘淘繡簾前簫鼓鳴晴晝笑

吟吟戍樓頭刁斗移更漏管甚麼參橫日出

又篝燈直吃的香消篆冷重添獸賺煞

長嘯海天秋劇飲貂裘透眼見的星移漢

斗尚兀自急管繁絃厮趁逐更有那舞班衣



稚子搗搜。謾凝眸。盡戟霜驕。真个是仙客高。  
朋盈戶牖。願常常勸酬。儘年年祝壽。少不的  
遍人間甲子五千週。

又久雨作

透幕侵箔。把人廝虐。何時了。徹夜滔滔。綠水  
人家透。混江龍。不知昏曉。滴滴點點鬧  
寒蕉。愁心易感。業眼難交。阻攔歧路。蹭蹬漁  
樵。迷渡口黯林梢。崩岸谷漲波濤。吃緊的黃

花寂寞東籬道。望不的三峯華岳。看不見萬

頃秋郊。寄生草。雲初淡。勢更驕。恍疑萬

馬長空淖。忽如萬井遙。天倒驀然萬鷺平林

落。旅魂鄉夢怎生堪。閨人嫠婦如何較。六

么序。呀越越的封了山坳。忽刺的暗了市

朝。便是廟堂中也乞良的鬼哭神號。怎生的

借劍誅蛟。破甑焚鴉。執簡乘鶴。向天公細扣

根苗。見如今干支死閉了晴陽兆。又不是潤



春郊好雨如膏。良田一望皆池沼。家無四壁，悶徹三焦。么一會家麾毫劃度。笑語兒曹。細和離騷。自酌香醪。強對佳釵。且把這難打蕩的情腸。按着呀。驀然間又怎學。忽地雲消。剗地烟交。越越的奮撼咆哮。簷花萬點。簾前瀑便是个。缺石人也魄散。魂消莫不是馮夷故把東洋倒。逐日家紛紛靄靄溜溜嘈嘈。后庭花煞陰晴數所遭。虧盈無定約。焰

爨家家閉。萍蕪處處漂。怎生教封姨知道。霎時間層陰淨掃。見層霄。

中呂

粉蝶兒 書懷

半百年華。鬢如絲興如嚼蠟。樂開心恰會行踏。又被這雨兒催風兒刮。剗地早心驚膽怕。想平生閱盡浮夸。又怎肯向人行再伏低凹。

醉春風 俺也會 玉殿首傳臚。金闈夸倚



馬到如今布袍濁酒野人家。暢好是雅雅有

時節喚幾個撥阮的秦娃。彈箏的晉女。學一

會遊山的阮大。叫聲。夢不上紫宸衙。任

他。我則待趁膏雨。耘禾稼。跣足白雲窩。倚

杖碧雞峽。山坡羊。溪兒那答。船兒輕拉。

柳陰中說會漁樵話。過隣家看黃花。酒帘兒

斜映疎籬掛。不飲的古人。今在麼杯。快轉咱

官。休論他。快活三。見如今四壁鬧蛩蛙。

滿徑翳桑麻。風吹日炙。恁波查。再有甚間瞧

抹。鮑老兒。他見咱拙魯厭奢華。敢又道

檣球玦懸高價。咱見他倚颺賣撐達。恰便似

臨巷陌。然殘蠟。眉來眼去唇三口。四泥爛油

滑。翻黃倒皂。呼風喚雨。搦霧搏沙。古鮑老

非是我心輸力乏。到頭來世情難按納。休

道他顏和意洽。大古裏仕途多調發。為甚麼

漢嚴陵不見南陽駕。羊裘煖錦綉。怎加麥飯



軟珍羞誰掛。呀。因此上潦倒在蒲團下。紅

芍藥。一椀粗茶。半飽胡麻。閑時高臥飯牛

淫。一任他名留翠華。爵五等。邑萬家。脚到處

金卮玉笋。行起處繡帽宮花。我可也並不思

他。他怎似我穩拍拍隴畝生涯。剔銀燈

者莫與野叟樵夫會茶。者莫與稚子山妻打

話。比及到一篝燈火。杯盤罷。他又早笑啞啞

托背扶咱。尚自把濁醪勸社鼓搥。豈不把先

生醉殺。蔓菁菜。不付能塌伏在葫蘆架。

又怎麼支楞的弄琵琶。竹籬兒那答。一覓里

麾羽扇翫雲霞。似一幅不疾溜陶潛畫。柳

青娘。非咱不達。死守定邵平瓜。瞧他恁家

怎做的子陽蛙。佩玉鳴鑾信豪華。但提起沉

潛禮法。到咱行所事都差。因此上任踈狂離

世俗。託烟霞。道和。託烟霞。迂

庸情性怕喧譁。網漁蝦。呼兒沽酒野人家。邀



插

咏

隣共飲茅階下。紅塵不到景清佳。種黃花、  
 鱗壯雞肥。杯深椀大。還再把、  
 日西下。朱顏不為流年假。可惜、  
 風恰透黃梅臘。却又早一泓秋水浸蒹葭。  
 啄木兒煞。論風雲志本疎。說山林興未涯。  
 百年渾醉無多暇。且看那秦強楚霸一處處。  
 暮雲衰艸噪昏鴉。

又 閑遊

力倦心慵喜追遊。柳穠花重。

則被這耐夕陽

碧岫朱峯。軟禁持虛和哄。

吃的來

脚高頭卷。

動不動手到杯空。趁賓朋乘歲月。

那塌兒不

堪陪奉。

醉春風

剛坐向

千尺碧桃谿。又

走向

萬株紅杏壠。飛泉瀑布下高春。遊花兒

湧湧。看了重看。覷了重覷。詠了重詠。

紅綉

鞋。聽一派笙簫風送。似千聯環珮雲中。桃

花逐水遠溶溶。又不是劉晨阮肇。又無甚賈

泚二

二十六



島盧仝。受用足翠芙蓉當面聳。喜春來

亂雲堆裏身如捧。霽靄岩前日似烘。渾疑兩腋欲生風。情思涌。又過碧潭東。醉高歌

吟來倚巘支筇興。到凌巔放踵須臾小。憇西岩峒恠石奇花萬種。哨遍。那裏討心煩

意冗。浥清泉一漱。形神縱喚奚奴盪酒。莫從容。趁良辰滿酌瑤鍾。山似擁。竹添森爽。瀨響琮琤。勝九奏簫韶弄。恨少長缸巨甕。吃緊的

心慙鴻鵠髮改青銅。山林穩。遂樂閒身光景難饒。宦遊容。舊日風流新來瀟灑。甚般和噴。

麻婆子。劇飲何須玉笋。長歌豈待彩鳳。

明日事今朝暗。古時人近歲空。石門不負晉孫登。朱樓甘誤漢揚雄。翠筠亭虛布擺。白虎殿枉牢籠。墻頭花。蜃遊蕉夢。不必重追誦。幾杵催人野寺鐘。又誰知楚滅秦亡。又誰管周純晉冗。瑤臺月。吟肩謾竦。麗日初



遲佳興無窮。新詩題罷。自還羞未盡。踈濃閑  
悟。懂除却蓬萊。更誰恁。天璇地拱。又曲折。又  
清徹。又孤迥。又龍嵒。遊仙最可。舒情正中。  
急曲子。便文章似孟韓。任踈通如賈董。少  
不的。貶潮陽。謫長沙。生愁恐。這塌兒無是無  
非。那答兒前簇後擁。耍孩兒。我則待向  
雲山更撰。浯溪頌。只他那盤谷歌。怎樣包籠。  
我如今。分明身在畫圖中。信意兒挑揀。過從

且將這

黃精綠蕨。菖蒲酒。

將息那

跣足披襟

田舍翁。也不必華陽洞。

意中歡

千金難買身

外事

萬物皆空。

一煞

山僧過小橋。幽禽

轉密叢。樵夫牧子同遊泳。誰言陸海難舒臂。

敢道山居不會窮。早晚是薰風動。

便有那三

旬酷暑。

怎入這

百丈蒼籬。

尾聲

結茅廬

隔渚花架。蓬窓倚澗松。儘今生再不許塵氛。  
冗。是一個避世的先生不姓孔。



又賀登科

飄

學業通融桂香影省闈高中少年時器宇誰  
 同驀地里好音來飛報至舊門庭甚般增重  
 暢好是獨步秋風意凌雲身湧霧起蛟騰鳳  
 醉春風 窻下幾年思天邊雙翼聳連根  
 拔得桂枝來真个是猛猛看了他錦繡曾懷  
 風雲氣色不枉了神仙隨從紅綉鞋 酬  
 志了十年春夢快心波萬里天風聚螢囊正

對着廣寒宮

說甚麼

吳剛大斧

道甚的

李白

彎弓但憑着

出群才心力勇

滿庭芳

不

飛

枉了心遊周孔學通性理識廣昆蟲吟詩課  
 賦般般中秋水芙蓉氣魄如南陽臥龍精神  
 似渭水非熊聽一派笙簫送誼譁簇擁身在  
 彩雲中 上小樓 想着他 頃篋賈董衙官

屈宋

今日早

奪了青標占了虎榜出了樊籠

飲玉鍾駕彩虹山搖川動

則看那

弩迎人甚

泝二

元



般陪奉。尾聲。閑愁昨夜消。芳名今日永。  
棟梁材自有非常用。好保護萬歲千年大一  
統。

又賞杏花

隨意杯盤喜園林杏花初綻。歇肩輿暫憩幽  
軒。則見這玉模糊銀隱約。斲攢成一片。恨列  
下齊撲撲雪崩冰山。說甚麼水晶簾雲母洞  
玻璃庭院。醉春風。歎歲序苦相催。羨天

公能綴剪。似這等堆霜砌粉滿林間。端的是

罕罕。托賴着雨露深仁。乾坤至德。儘由咱道

遙飽玩。普天樂。鼓琴歌探花宴。清香上

品艷色頭員。埋光在桃李園。出色向蓬萊殿

暗柳羞梅誰知羨。午橋庄風景依然。真个似

藍田玉煙。且休提何橋脆管。好追隨。謝谷朱

絃。醉高歌。仙姿不受鑽研。素體偏愁綽

染。羞看燕子鶯兒面。但把春心自縮。紅綉



鞋 潑眼風光無限驚心節物多端怎如他

冰肌玉骨耐春寒好丹青難描畫惡風雨莫

催殘暢好是 趁芳辰當泛盞 墻頭花 黃

昏清旦者莫你 岸幘掀簾看橫豎有琅玕百

萬竿明滴溜半掩秦臺香噴薄平連漢苑

煞尾 喚奚奴拂彩箋倚雕闌開醉眼倩雙

蛾謾把纖歌按便吃到 月轉花稍去心兒懶

又題集翠樓

明月西樓玳筵開皓光如晝望晴空簾捲金

鈎只見 寶香浮清靄澹晚涼新透綠沉沉酒

泛瓊甌鼓冰絃陳妙舞要人消受 醉春風

懶赴潁川衙閑栽彭縣柳溪山深處起朱

樓暢好是陡陡看了這 過眼風雲漫天氣色

真个是 可人的清秀 普天樂 水如環山

如湊四圍俱有八面交浮酒半酣絃初奏一

霎金風情懷驟掃烏絲更聘吟眸與 天親唱



酬倩山雲伴侶共明月優遊 紅綉鞋 歎

少日襟期難又羨新來萬事都休百年風月

此登樓籬邊元亮菊柳外戴逵舟說甚麼黃

金印大似斗 煞尾 醉時節黑妻妻被捺

着頭醒時節美甘甘茶漱了口把調言長語

權稍後做一箇自在神仙陸地上走

又題華岩三友亭

松竹梅花小亭幽碧山如畫歲寒時萬物消

乏只見竹堆蒼松偃翠梅瓊浮臘不在了三

友稱加逐日家伴幽人雪窗清話 醉春風

有時節風送暗香來月移疎影下聞歌白

雪按琵琶暢好是雅雅驀然間萬壑濤生千

竿籟響便見得九珠非價 普天樂 曲闌

邊重階下這竹呵金搖翠節這梅呵粉砌冰

又這松呵奮虬龍領下髯這竹呵舞彩鳳雲

間駕這梅呵堪上生綃丹青畫這松呵挂霧



撐霞。又何必孤山那凹。淇園這塔。王屋西峽。

醉高歌。不羨東門種瓜。且傍華巖荷鋪。

逢人耻論功名話。單會青山放俊。十二月

都只為觀風塞北。乾賺的遊子天涯。則不

如身歸舊隱。抵多少堤築新沙。小亭內琴書

藥裏。行厨中蕨笋茶芽。堯民歌。呀。結

識下竹籬茅舍。野人家。躲離了金符玉節。大

官衙。自歌自舞。自諠譁。不豐不歉。不嗟呀。暢

好是賢達。又何須拘禮法。趣自有。倦來大

煞尾。都拚與刺。亭簷三伴侶。慢慢

的把平生志節誇。要飲呵索喚取解音聲小

了鬢徐徐的將新來清興發。要眠呵好追尋

能幽寂軟蒲團。鬆鬆的紆錦被。蒙頭納。把一

个識消長曉。陰晴知止足。的先生兀的不自

在殺。

又代友人宦邸書懷



追食官衙坐秋囚一篝燈下下冷清清人遠  
 天涯平白地棄墳坵辭親戚那个是功名無  
 價見如今狼虎相持眼睜睜許多愁怕 醉  
 春風 不得官日日歎沉埋恰得官時時防  
 倒塌那里有安車駟馬擁高牙到煎聒的我  
 傻吃緊的留也難留去也難去罷也難罷  
 紅繡鞋 轉眼間俄為中夏到官時尚未初  
 臘新催科舊拖欠亂如麻磳可可窮百姓惡

狠狠甚刑法你便是鉄心腸怎下的打 滿

庭芳 到晚來 才能下塌 怎當他 蕭蕭客枕

燦燦燈花 吃緊的 無情雨打芭蕉袂 驚的我

夢轉天涯 則俺這 倚門娘袞封在那答 乾交

那望夫人虛度年華淚點兒雙雙下 越趨的

晨鐘又發眼睜睜紅影上窗紗 上小樓

少不的 騎鞍壓馬升堂僉畫 付能的 出幾紙

批兒勾幾箇人兒 怎當他 名是人差問着他



口兀刺。虛驚詭怕。你便是炳靈神也。千錯百

又。么。想着那官家禮法。都被這姦豪廝

詐。他結交的。吏典滑熟。人情通透。上下歡洽。

既不會拏住他。又怎麼下重罰。他反關門到

又把別人誑嚇。怪不的。整年家事無捉拏。

十二月。從今後周詢細察。那怕他利齒靈

牙。他便會神藏鬼掩。也難逃畝履升查。自古

道一夫一馬。怎能得千做千差。堯民歌

可不道官清法正自無譁。見如今流離逃竄

未安種家徵口斂百忙里雜。女哭兒啼甚行

踏。聽咱愛民如愛花。休使風霜乍。耍孩兒

少年時豪氣天來大。動不動要做箇英雄

俊雅。到如今行步緊鉗拏。是多少海樣波楂。

指望待春風禁柳行驄馬。到做了落日庭槐

數暮鴉。愿的是風雨順收禾稼。落一个民安

事妥。說甚麼紫綬黃麻。尾聲。論孤高須



索向青門學種瓜論讀書怎可似莊周言影  
瓦趨明時休負了平生價覓一个循吏名兒  
兀的不可喜煞

### 黃鍾

#### 醉花陰壽日

柳艷荷香畫簾永瑞氣氤氳寶鼎調錦瑟和  
鸞笙選伎徵聲翡翠光相映開綉幕列銀屏  
有鳳炙麟炮金雀茗喜遷鶯比不得尋

常相慶老人星親下青冥塔庭是多少靈芝

玉英一派仙音徹耳清將衆神仙領飲不盡

瓊醪玉醴看不盡許棗萱菱出隊子樂

天知命老先生煞慣曾覩的那掀天富貴似

毫輕敢更道唾手功名肯去爭因此上聒耳

笙歌聊自逞么本是段閑雲情性榮和

辱怎會驚則待要吟風弄月盡平生翫水看

山遠世情倚翠偎紅辭外青刮地風一



會家竹徑桃蹊閑眺騁。是多少語燕流鶯也。

何須高牙大纛相輝映。意暢神融。也是咱前

生分定。不由的今生僥倖。散澹心懷。慨志幾

曾蹭蹬。古和今。廢與興。恰便似泣釜湯冰。等

閒閒摸不着無星秤。這光陰分外爭。四門

子咱如今漏聲不上東華聽。且相隨鷗鷺

盟。者莫交雪藕削金鯉烹。翠荷筒鎮日渾未

醒。怎肯交紫雁閑玉筩停。冷落了濃歡麗景

古水仙子 綠槐深涼自生尚兀自銀燭

高燒待月明直吃的花陰下翠袖頻扶直吃

的玳筵前金杯不剩直吃的畫樓頭轉了曉

更直吃的瑤天外紅日東生。說甚麼銀河已

沉參已橫那時節尋思又向閒亭徑敢直吃

的四座酒如澗。尾聲 壽酒年年鎮相慶

壽筵開壽樂齊鳴。願的是壽比南山萬年永

越調



鬪鷓鴣 遊南山作

春晝山遊高朋幸集雪霽峯陰雲歸袖裏欵  
擁藍輿輕隨杖履那從容那迤邐勝日尋芳  
詞人對壘紫花兒序一處處峯峻浪激一  
个个興遠才清一樁樁意暢情怡長松半偃  
芳艸初甦生意方熙一派仙音遠翠微管絃  
聲細更那堪澗底波鳴谷口鶯啼小桃紅  
淡烟微靄傍人飛說不盡春遊意聒耳山

禽更如醉一步一箇畫圖隨龍潭珠斗連天

墜銀河半欵羅衣新試醉淋漓含笑索烏絲

調笑令 說甚麼翠眉映金杯爭似這握

手臨溪我共伊便有个鶯鶯燕燕尊前立怎

如嚼語話襟期一任他笑殺山翁醉似泥此

境誰知尾從今後逢人好把名兒避休將那

不可口饅頭便吃牢記取身世似浮雲人生

同逝水



又中秋

溽暑初銷金風漸老。朱斗宮移。瑤空翳掃。雨歇丹霄。波涵翠沼。夜沉沉。人悄悄。宴集庭陰。月離海角。紫花兒序。比玉鏡橫飛嶺口。似銀盤倒浸波心。若金輪斜偃。松腰光輝澄徹。魄象沈寥。氣骨森蕭。纔度疎林。又小橋是。何綽約。堪賦堪題。難畫難描。金蕉葉想着那玉樓中人。吹碧簫。且權交玳筵前杯傳。

翠翹若得个倚檻上詩成鳳毛。煞勝似碧海

外仙遊閩島。小桃紅。金尊莫惜醉醅醕。

且盡今宵樂。少日風流漸。倏落佳節。幾經着

當歌况有如花貌。絃調六么。客逢雙妙。坐銀

床任取桂香飄。尾想當日袁宏牛渚情

何躁乾把箇佳期判了。從今後休泛斗牛槎

當學武昌老。

又夏賞



園苑春歸林巒夏初乳燕相呼。雛鶯並語遣  
興名教。紆懷勝圃馬東籬。商正叔和選吟詩  
傷今吊古。紫花兒序說甚麼何橋鄭谷。

漢苑殷墟。謝館黃墟。逍遙散誕。洒落歡娛。繾  
綣舒徐。無數妖鬟列繡繻。遙映着渚禽郊鷺  
何慮何憂。無繫無拘。小桃紅 千章夏木

蔭扶疎。不減石家塢。細靄霏霏。暗原麓。望模  
糊。三杯已勝千鍾祿。朱絃度曲。烏絲草賦甚

丹青畫得出。武陵圖。調笑令 遙指澗中

鳧戲浴錦波。迷綠蕪。徘徊撫景非遲暮。搖紈

扇笑袒輕襦。喜同遊。盡都是君子徒。因此上

載酒携壺。尾 西崦斜日懸嘉樹。保重者

烟霞伴侶。且看這遊賞處興頭兒甜。休題那

崢嶸時味心兒苦

又 北山先生席上作

畫錦生輝。年華未老。海屋籌添。芝房瑞遶。玉



几瑤籤。丹書翠葆。淡氤氳。微縹緲。寶笈金函。  
交梨火棗。紫花兒序。翠森森。梧桐院宇。

綠依依。楊柳溪橋。密密匝匝。雲錦窩巢。正值着

佳辰勝節。柳顰鶯嬌。玉鯉香醪。瑪瑙杯擎。翡翠翹。

一團歡笑。喜孜孜。盛友嘉賓。韻悠悠。畫

鼓雲璈。金蕉葉。我只見香噴噴。珍羞美

殺。齊蓊蓊。蘭堂畫閣。亂紛紛。纖羅細腰。光閃

閃。靈芝瑞草。小桃紅。一年一度。宴蟠桃。

天外鸞鶴導。意度襟期。貫晴昊。小可的。怎量

度。尊中無酒。賓難樂。珍珠滴小槽。玉簫間花

貌。霎時間。四座盡酩酊。尾管甚麼。金雞

又報東方曉。更轉向崇巖。曲沼。且休說穿綺

座。午風輕。直吃的透疎林。山月小。

又送士子入試宴間有虹霓照座。喜而賦此。

萬丈虹霓。千機瑞錦。玳宴初排。祥光已泯。正

對高堂。平迴下廡。影團團。雲苒苒。氣亘長天。



靈分帝寢。紫花兒序。今日乃雲霄之餞。

畫都是學海之英。恰便似翰墨之林。憑着他

高才絕足。綉腹文心。曠度虛襟。少不的平步

龍門萬丈深。分明佳識。覩了這相貌堂堂。端

的有梁棟森森。小桃紅。香醪莫厭座前

斟。怪不得歡娛甚。玉立珠聯。陡成恁何處覓

知音。直吃的蟾光萬頃。玻璃浸。庭槐影沉。檻

葵香沁。便休題樓外下河參。天淨沙。惟

傳

願牢珍重寶劍。瑤琴權收拾。闊論豪吟。好將

息藍袍布衿。博得个名揚楓禁。才知道書有

黃金尾。那時節雲霄直上。承恩廕。平白

裏紆朱曳錦。較着那賢傳說。不爭多。比的那

佞蘇秦。分外磣。

商調

集賢賓 行樂

萬花亭酒闌人醉也。烏帽側玉山斜。淡氳氳



荼蘼香細綠依依楊柳烟疊恰才一个縱閒遊

散步龍谿怎禁他勸香醪又轉鶯舌酒和人

兩椿兒厮湊者興頭兒不待勾攝漸漸的東

山殘月吐歸路晚雲遮逍遙樂說甚麼

銅龍漏徹畫燭光微樵樓鼓歇玉笋金蛇恰

逢着花影堆凸無數鶯聲花外瞥恰便似絃

管相協更那堪燕姬解舞趙女能歌群客高

潔恰便似金菊香彩雲屯住鳳凰穴錦

障籠岩風月堞盡擘描成花卉闕怪不的無

了無歇忒可喜忒奇絕醋葫蘆這一个

烏絲行未摺那一个霜毫詩又寫這一个淋

漓衫袖醉扶者那一个笑指落花看絮雪這

一个把花枝輕折那一个倚繩床對景暗咨

嗟么一个吟成喜自歌一个杯空羞待

說一个亂紅堆裏睡咿咿一个博局棊枰爭

未歇一个仰身巾起一个要迓席揺手抱琴



侏。梧葉兒 數不盡春工媚禁不住春興

奢隨者又隨別金谷埒閑思石季桃李園空

懷李白歲月有幾娘哉不飲的誰今在也

後庭花 盪新醅放暖者撥銀箏且近哉我

本是好酒的陶元亮休猜做迷花的孫楚客

受用了是豪傑且看這風亭月榭翠扶踈嘉

樹遮綠蒙茸芳艸楚喜孜孜笑語叶困騰騰

春思結 青歌兒呀又何曾爐焚蘭麝撲

人衣暗香如擊看了這柳驪鶯嬌景共節者

莫你愁思堆疊好興摧折意緒虧竭人事離

缺更有那山海樣憂煩眼皮兒上貼都消滅

浪裏來煞啣人呵飄飄如花上蝶脩脩

似爐內雪爭名爭利枉癡呆向園林徧遊誰

禁革休直待花殘月缺勞記取一年風景一

年別

雙調

沂二

四四

牢



新水令 山中寫懷

暖風晴日好追遊。望夕陽萬峯爭秀。雲渺渺水悠悠。振袂岡頭。這曾次幾能勾。落梅風人。人間事袖裏闌。便猜着也。還差謬。想頭兒大都來難應口。總不如酒淹衫袖。雁兒落

我也曾

覓詩仙上綵樓。載舞妓過名隄。風

流意緒長。磊落情懷舊。得勝令

今日也

撰杖步滄洲。結社友沙鷗。遠眺板原樹長歌

倚釣舟優遊。無福難消受。明眸英雄白了頭

歇拍煞

亂雲堆裏嵐光溜。一回遊一回

非舊。順陰晴變化推移。隨氣色濃淡沉浮。者

莫你

支筇雨後看。倚檻風前候。圖畫上椿椿

兒盡有。

雖不做

翠羽洞中人。

也強如

紅塵路上走。

又 東谷艸堂宴集

艸堂春望曉山晴。翠芙蓉萬峯掩映。紫微東

泝二

四五



道主。白髮少微星。謝政歸榮。歌窈窕有佳興。

駐馬聽 檜碧松青。露滴茅階三徑冷。柳

遮花映。風來綺座一絲輕。英雄笑殺世間名。

風流稱却平生性。眼周圍都是景。你便有九

還丹醫不了探奇病。喬牌兒。且看那近

時人誰會醒。則恁這醉中天鎮常靜。榮枯毀

譽皆前定。眼偷瞧心暗省。沉醉東風。止

不過情受了香粳半升。又何勞拘束入愁圈

千會非無這醫國才。怎識那無星秤黑模糊

那會分明。因此上解紱歸來結社盟。單覓取

安閒順境。甜水令。每日家博陸彈碁尋

花問柳探幽揀勝。有甚麼惺惺惜惺惺。落的

个恹處吟詩忙時課。圃閑中習靜。便休題麟

閣圖形。折桂令。則待要取溪山好處怡

情。興當如華岳三峯。飲何須越酒千瓶。眼睜

睜白髮新增紅顏非故。那些个缺齒重生信



意行休打筭無多夢境。安然過且追隨有限。  
親朋鼓瑟吹笙。撥阮搗箏。做一場怪怪奇奇。  
訪一會燕燕鶯鶯。錦上花。花底傳杯。綺  
羅輝瑩。月下張筵。語笑縱橫。未老投閑。方知  
俊英。既醉高歌。煩君試聽。修篁拂座。垂皓魄  
當階。映東海蓬萊。知他怎生。北海尊壘。隨宜  
笑傾磊落襟期。須人受請。清江引。春夢  
覺來心自警。往事般般應。愛煞陶淵明。笑煞

胡安定。下稍頭。大都來不見影。雁兒落

榮枯水上燈。寵辱床頭鏡。分明照的真。何苦

痴相競。得勝令。呀爭如這。無煩無惱老

先生。無拘無係。會完成。論英雄。總不在王陽

下。論清狂。還羞稱阮籍名。志節似。水清守安

恬。隨分限。無僥倖。心地又。光明會。涵容不踈

蹊。有信憑。鴛鴦煞。看了他。汪洋雅度誰

堪並。恢弘器宇。人空掙。文彩星輝。才思天成



唱道 撰杖東山騎鯨北溟放浪形骸脚到處  
都成勝似這等水碧山青萬萬日登吟筭不  
得永

### 大石調

驀山溪

元夜合調

和風應節不覺元宵到花燭遍樓臺簫鼓動  
萬方歡樂香氣寶鴨春在太平宵 普天樂  
太平宵風光好到處金尊倒滿堆着美饌

佳釵齊列下玉容花貌燈毬火樹光明皎盡  
棟雕闌香風透更那堪座擁金貂正交錯觥  
籌未了嚴更漸轉午夜將交 驀山北么 更  
漸稀夜將交聽劇管繁絃鬧笑語諠諠遍六  
街有華轂朱輪盈道見士女與王孫行過處  
翡翠光搖 雁過南沙 光搖雲鬢鳳翹似萬  
朵瑞烟繚繞仙姝月姊都來到彩雲飄彩霞  
燒千門燈火萬井簫韶明蟾天表長空澄徹



烟霾掃恍疑人在蕊珠箔 喜秋風 蕊珠

箔含香閣十二重城任萬斛明珠照盡道是

往年遊總不似今年妙屈指帝王都能有幾

人到 傾南孟序 難學駕紫鶴跨六鰲此際

知音少帝德光輝帝恩弘溥帝心淵濺帝道

穹高華夷奉朔千邦納福萬國來朝因此上

九重行樂動蕭韶 好北觀音

妙天風暖絳節飄飄宮殿氤氳宿靄消響

鳴鞘齊奏鈞天樂 么 不說繁華蓬萊島

五雲中羸女吹簫絕勝魚燈賜百寮慶元宵

塞滿長安道 小南桃紅 喜相逢元宵好戍

鼓動星將落則見這桂海蒼茫影沉沉城頭

閣醉來踏月尋瑤草樓臺絃管猶誼鬧怕甚

的業眼難交問閭雞犬休羅噪管甚的紅日

東度 隨煞 舜日堯年黎民樂最難得百

谷豐饒四海無虞風雨調齊祝願萬萬歲君



王履黃道。餘音尊師保。任省曹。武靜文明  
世皞。從古來。度越三王。惟有我。聖朝。

青杏子 喜雨

膏雨潤如酥。望東臯。烟樹模糊。崇朝已見西  
田足。千家賀喜。三農有望。百穀成熟。歸塞  
北。冠掛後。常閱養生書。不向蓬萊尋火棗  
但從豐稔。愛吾廬。瀟灑樂桑榆。喜秋風  
無事也 預修渠。有苗呵。專待雨。窮家私。大古

愛詞紀作哀

里別無路。若將薄田疇。抵死乘時。務到收  
成。也能富。好觀音。見如今。炎暑方變秋  
光度早。難道穀挺雙莖。刈許踈萌。尚未鋤勢  
將枯。時雨承天祚。么。稻首村翁。歡聲鷺  
衣衫典辦。謝神鳧。擊鼓鳴簫。酌酒醅。頭無虞  
幸可供遲暮。隨煞。四望蒙茸。綠齊布綠  
齊布。非茨非蒲。自喜呼童。貫酒壺。可勝似三  
品官衙。萬鍾祿。



南曲 新附

鴈過聲 春遊

萬紫千紅總是春。愛名園處處香風噴。聽烟  
林隱隱鶯聲困。杏花村玉樓人相看處共飲  
芳尊。夕陽柳外門墻頭半露芙蓉暈。並倚秋  
千語笑頻。風淘沙 遲日樓臺帶綵雲。羨  
歌舞動梁塵。暖風吹的花如陣。勸東君杯重  
引。良辰美景。翠翹雲鬢。撫冰絃宴流霞好懷

須趁韶光除却此春俱下品。遊賞事幾逡巡。

么 萬疊晴嵐窰翠新。端的是排畫戟列

繡闥張雲幕。散清芬來往喚香輪。也說甚麼

拾翠語相聞。一撮棹春光好和氣鎮氤

氲。春晝永羅綺燦繽紛。只恐春歸早無計可

留春拚酩酊。終日醉薰薰。餘音 江山巖

花鳥新眼底春還幾分。莫厭傷多酒入唇。

一封書 寄壽瑤屏先生



金風動暑收。玉宇無塵嘯翠浮。祥光映畫樓。  
聽歌聲天際流。閨苑黃鶴傳玉笈。海屋仙人  
獻壽籌。奉瑤觥薦麟羞。共祝遐齡萬二秋英。  
雄侶經濟儔。耻將談笑覓封侯。錦羅袍。  
豈是窮經白首視人間。榮辱電轉星逐乾坤。  
千古一凝眸。風雲萬里三鉗口。杜陵佳句閑  
中細抽義皇妙旨。兒時已搜胸懷磊落誰能  
勾穿約履。駕小舟興來常是訪丹丘。勝葫

一封書

排歌

皂羅袍

二

蘆 玉樹枝榮子漸稠。登金榜步瀛洲。一日

聲名馳四海。才宏器遠不把絃歌羨言游。情

何繫酒又熟。屏山篆水好優遊。樂安神

我生雖後聞公謦。效夢想神求。秦關蜀道隔

金牛。清風大雅懸珠斗。此日當初度仙客滿

仙舟。文采照弓裘。頻祝頌。遙拜手。公名公福

兩悠。尾 壽庭闈人康壽。兒孫濟。壽

無休。歲二年二上壽酒

沂二

五十二

獻書人吳良士捐贈



右樂府二卷家兄泚翁舊作也好事者求  
錄踵至因刻之以傳焉嘉靖甲申春三月  
丁卯弟浩謹識

丙寅四月假錄江南圖書館藏本是年十月校讀一過

長洲吳梅霜居氏謹記





